

Indelindel keu

Kraistnönj keu tölapnji

Jongörej indelök.

Jim-asa-asari

Jisösnönj gölme mosöta Suep mire öngöiga yambu 65 miangö dop teköiga aposol Jonönj Kimbi ki ohoyök. Nalö miangörej urumelej könagesö Jisös möt narigeri, i sesewerowero ketanji ak engiget. Jon mi gölme jölanji qetnji Patmos miangörej al wangigetka kösö mire ewö tarök. Patmos maliga Anutunönj jeni melejniga yuai könangep asuhumapkö imutnji ehök.

Keu bohönji kewö: Jisösnönj Satan aka kerökurupnji pakpak luhut ala memba et al engim teköma. Mewö aka mötnarip ambazip kötuatköm nenjiiga Suep dölökni aka gölme dölökni miangörej angota teteköni qahö oyaenjkoyaen malbin. Sesewerowero uruje malgeri, yenön lömböt möta mökösjönda Jisös möt nariba pöndañ böñ qeba kinmegöra kuñgum engimakza. Jisösnönj keunji keunji mewönji jim kutuba indeliga Jonönj möta Kimbi ki ohoyök. Mi urumelej ambazip urunini nangömamgöra aka ohoyök. Söpsöp keu aka keu tölapnji mi gwötpuk. Keu tosatnji möt kutubingö möt bibihizin.

Buk kianjö bahönji bohönji 11 mi kewö:

Keu mutuknji *1.1-8*

Zioz kambu 7 yengö kimbiñini *1.9-3.22*

Kimbi köpöp supap 7:ñan jöjöhönji *4.1-8.1*

Tömun qainnji kun 7 uget *8.2-11.19*

Sekak namnji aka jemnemba yahöt *12.1-13.18*

Jemelej imutimut könañi könañi *14.1-15.8*

Anutugörej irimsesewöl qambi 7 mokoget *16.1-21*

Babilon siti, jemnemba, kezapqetok takapulakanji aka Satan yengö ayuayuhu *17.1-20.10*

Jimtekötekögö nalö ketanji *20.11-15*

Suep gölme dölökni aka Jerusalem dölökni *21.1-22.5*

Keu kötnji teteköni *22.6-21*

1 ¹ Anutunöŋ yuai könangep zilaŋ asuhumawi, miangö könangi nup memeurupŋi neŋgöra kondel neŋgimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeŋeŋi Jon nöŋgöreŋ kaba jiiga möral.

² Jisös Kraistnöŋ Anutugöreŋ Buja keu nangöba jim asariba kondel niŋgiiga Jon nöŋön yuai mi jeni meleŋniga uba ehali, mi pakpak miangö dop toroqeba nangöba jim asariba ohozal. ³ Kunŋan kezapqetok keu ki oyoŋmawi, yaŋön mönö simbawoŋ akza. Jisösgö kaka nalöŋan töriza. Miangöra kimbi kiaŋgöreŋ keu ohoi ahözawi, ambazip mi kezap ala mötmei aka mi möt sölöŋgöba angön kölmei, yeŋön mewöyök simbawoŋ akze. Mewö.

Jonöŋ Eisia prowinsgö zioz kambu 7 yeŋgö jölöŋini alök.

⁴ Jon nöŋön Eisia prowinsgö zioz kambu 7 eŋgöra kewö ohozal:

Kunöŋ mal köhöizawi, möpŋangö möpŋeyök mala koröhi, aka kunbuk lilingömawi, yaŋön mönö kalem möriam eŋgiiga luainöŋ malme. Mewöŋanök Anutugö uŋa bohonŋi 7 yaŋgö jakömbuak dum wösöŋe kinjei, yeŋön mönö kalem möriam eŋgigetka luainöŋ malme.

⁵ ^b Jisös Kraistnöŋ Anutugö könangi pöndaŋ nangöba jim asariba mala mutukŋa kömupnöhök wahörök. Yaŋön gölmegö kiŋ kembu yeŋgö Kembuŋini akza. Yaŋön mönö sepŋan saŋgoŋda siŋgisöndoknineyök pösat neŋgiba jöpaköm neŋgimakza. ⁶ Yaŋön nini nanŋi bemtohoŋe ala mem letot neŋgiiga kiŋ ewö akzin. Buja nup galömurupŋi (prist) aka nanŋi Iwi Anutuŋangö welenni qemakzin. Neŋön yaŋgö qetbuŋaŋi aka kukösumŋi möpöseininga nalö teteköŋi qahö aködamunŋambuk ahöm öŋgöma. Keu mi ölja.

⁷ Eket, Kraistnöŋ mönö kousu uruŋe eta kama! Kamawi, nalö miangöreŋ nini körekmakörek i jeninan uba ekin. Börö marömŋi qetohogeri, yeŋön mönö mewöyök i ekŋe. Ambazip kambuŋi kambuŋi gölme dop tat anjini, neŋön mönö i eka körekmakörek yaŋgöra aka jŋgeŋ köla amburereŋ akin. Keu mi ölbölŋa, uruyahöŋi kun qahö.

⁸ Kembu Anutu mal köhöizawaŋön kewö jiza, “Nöŋön mutuhök mala (yuai pakpak miwikŋaiba könangep jiba qahöwahiga) qöndökŋa mal öŋgömam. Miangö dop nöŋön kulem namŋi mutukŋi A aka kulem namŋi qöndökŋi Z akzal.” Nöŋön kukösum pakpakö Tonŋi möpŋangö möpŋeyök mala kota maljal aka kunbuk lilingömam. Mewö.

Suep gölmegö azi öljaŋgö tandökŋi kewö ehal:

⁹ Jon nöŋön eŋgö urumeleŋ neŋakŋini akzal. Kraistpuk qekötahöbiga nanŋi bemtohoŋe al niŋgiiga ambazipnöŋ sihimbölo ak niŋgigetka

^a 1.4 Eks 3.14; Ind 4.5 ^b 1.5 Ais 55.4; Sum 89.27 ^c 1.6 Eks 19.6; Ind 5.10 ^d 1.7 Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 ^e 1.8 Ind 22.13; Eks 3.14

wahöjalinj mörakzal. Mi embuk möta mökösoṅda kapaṅ köla köhöiba kinjal. Anutugöreṅ Buṅa keu jim sehiba Jisösgö könaṅi naṅgöba jim asariba malalaṅgöra nömemba köwet jölanṅi qetṅi Patmos^f miangöreṅ al niṅgiget malal. ¹⁰Kembugö sonda kendon tatat nalö kunöṅ Uṅa Töröṅan nömeiga alburup umumṅan qakne öṅgöiga andöneyök qet ketaṅi kun möral. Qet kourukṅi mi tömun qainṅi kun (biugel) qetzawi, miangö tandöktandök ahöyök.

¹¹Qet miangö kewö jiyök, “Öroyuai uba ekṅani, miangö keuṅi mönö kimbi köpepnöṅ ohoman. Ohoba alnöṅga zioz kambu 7 yeṅgöreṅ anma. Siti 7 miengö qetṅini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹²Keu mewö jiiga ötoṅi mörali, “Mi daṅön?” jiba eka mötmamgöra lilingöyal. Lilingöba kinda lambegö dum tatat goulnoṅ memerṅi 7 kingetka ehal. ¹³Lambegö dum tatat miengö sutṅine azi kun ekiga kaisoṅgolomṅan gölme azigö tandök ahök. Malukuṅi köröṅṅi köla öroṅga köna susuṅe eta turuyök. Opo jöhan maṅgihilakṅi goulṅambuk mi örigit ewö töptöṅṅe embahöm aṅguba kinök.

¹⁴Nöröp juṅṅan tuat lalamṅi kousu köpköp (snow) ewö ahök. Lama juṅṅi saṅgoṅgetka tuarizawi, mönö miangö dop ehal. Jekötṅan könöp bölam ewö jem asariiga kinök. ¹⁵Köna susuṅan sösönihibe gohotṅi ahök. Ain bras könöpnöṅ ala delasi ohogetka jeiga gögöriṅ tohomakzawi, mönö miangö dop kölköl-bilikbilikṅambuk ahöyök. Keu jii mörali, mi o ketaṅan sianöṅ giliga ötoṅi ketaṅi mörakzini, mönö miangö dop ahöyök. ¹⁶Böröṅi öṅṅan seṅgelau 7 memba kinök. Numbuṅeyök bimgö sou ketaṅi (bainat) jityahötṅi likelike zuluk alalṅan erök. Jemesoholṅan wehön jeṅi körek asarim tekömakzawaṅṅo dop asariiga ehal.

¹⁷Nöṅön i eka uruni duhui yaṅṅö könaṅe tala eta kömup tandök ahöyal. Mewö ahöbiga böröṅi öṅṅan nöṅgö nöropne ala kewö jiyök, “Mönö keṅgötki kude mötnöṅ! Nöṅön mutuhök mala (yuai pakpak miwikṅaiba könaṅgeṅ jiba qahöwahiga) qöndökṅa mala öṅgömam.

¹⁸“Nöṅön malmal Toṅi akzal. Kömumba malalmö, mötnöṅ, nöṅön mönö guliba wahöta malmal köhöikṅi teteköṅi qahö mal öṅgömam. Nöṅön kömupkö kondotkondot Toṅi galöm köla kömupkö uṅem miri Toṅi oṅgita kiṅi moröṅi memba maljal. ¹⁹Miangöra yuai nalö kewöṅe asuhuzawi aka könaṅgeṅṅe asuhumawi, nöṅön miangö könaṅi kondelbi ekṅan. Yuai ekṅani, mi mönö papianöṅ ohonöṅga ahöma. ²⁰Seṅgelau

^f 1.9 Patmos mi köwet jölanṅi moröṅi (Yurop aka Afrika) Sutṅire Köwet miangöreṅ ahöza. Efesus mosöta Saut göröken 80 kilomita anman. Rom gawman yeṅön kegwek-kahasililij ambazip keuṅini jim teköba közöla eṅguangitketka miangö kösö mirinöṅ malget. Ölöṅ kölböṅö osiget. Gölme mi qararaṅkölköṅṅa, köṅṅi sehisehiṅi. Jonöṅ yeṅö sutṅine maliga sisa-kiṅ Nerwagö nalöṅe (yara 96-98) pösatketka erök. § 1.13 Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

7 böröni öljə ahözei aka lambegö dum tatat goulnöj meməji 7 ekzani, miejgö könañini töləpñi kewö: Seŋgelau 7 mi zioz kambu 7 miejgö garata galömqinañgö söpsöp akze. Lambegö dum tatat goulnöj meməji 7 miejñön mönö zioz kambu 7 miejgö söpsöp akze.” Mewö.

Efesus urumelenj könagesö yeñgö qambañ keu

2 ¹Jisösnöj toroqeba jiyök, “Jon göñön mönö Efesus sitigö zioz kambu yeñgö pom garatañinañgöra kimbi kewö ohoman, “Kunöj böröñi öljə seŋgelau 7 memba lambegö dum tatat goulnöj meməji 7 miejgö sutñine anda kaba kinakzawi, yaññön keu kewö jiza: ²Nöñön göhö ahakmemegahö könañi möt kutubi kewö ahöza: Göñön nöngöp ariba nupni köhöikñanök memba malakzan. Añgösirip kapañ köla möta mököstönda malakzan. Ambazip gongonji yembuk ala qahöpmañöp aka öljə qepureiba közöl eñgimakzan, mi mötzal. Tosatñan melaimelai azi aposol qahö aka töndup qetñini mewö qerakzei, göñön i esapesapnöj ala kewöt eñginöñga munəñ jijiñinañgö könañinan aukñe asuhuyök.

³“Tosatñan nöngö qetnañgöra aka kahasililij ak gihigetka sihimbölo kapañ köla möta mököstönda malnöj. Ösumeret ölan qahö aka malnöñmö, yuai pakpak möt köstönda kinda malnöj, mi mötzal. ⁴Mewö malnöñmö, urugahö keu kun kewö mötpi qahö dop kölja: Mutuhök urugi melejda önöñi qahö jöpaköm niñgiba malnöñmö, urugan mönö sörauiga nalö kewöñe amöriba maljan.

⁵“Mutuhök urusöstöñgai ketani möta malnöñmö, miangöreñök löwöriba eta eta amöriba et qeba maljan. Gi mönö nangi könagi mi mötmöriba möt kutuman. Miangöra mönö urugi melejman. Mutuhök urumelenjgö yuaiñi aknöñi, mönö miangö dop kunbuk suariba akñan. Urugi siñgisöndok miangöreñök qahö melejman ewö, nöñön mönö göhöreñ kaba lambegö dum tatatki qeköbiga urumelenj könagesö Efesus miangöreñ kunbuk qahö ahöma. ⁶Et guhuyökmö, göhöra kewö mötpi ölöwakza: Göñön Nikolait yeñgöreñ ahakmeməñini tököba uru öñön ahakzan. Nöñön mewöñanök mi tököba miangöra uru öñön ahakzal.

⁷^h“Eñgöreñök kunñan kezapñambuknöj malja ewö, Uña Töröñan zioz kambuñi kambuñi neñgöra keu jimakzawi, yaññön mönö mi kezap ala möt kutuma.

“Kunñan esapesap bölöñi pakpak oñgita luhut almawi, nöñön mönö i wañgitpiga Anutugö oyaenjkoyaen nupnöj (paradais) euyangöreñ öñgöba malmal köhöikñangö ip aumñe tata kötni nembra malma.” Mewö.

^h 2.7 Jen 2.9; Ind 22.2; Eze 28.13; 31.8

Smörna urumelej könagesö yengörej qambañ keu

⁸“Smörna sitigö zioz kambu yengö pom garatañinañgöra mönö kimbi kewö ohoman,

“Kömumba guliba mal köhöizawañon mutuhök mala (yuai pakpak miwikñaiba könangep jii qahöwahiga) qöndökña mal öngömawi, yañon keu kewö jiza: ⁹Göñon wahöjalij möta etqeceñi akzani, mi mötzalmö, Anutugö jeje qetbuñagan öngöñgöñi aiga simbawon akzan. Tosatñan Juda ambazip qahö aka töndup qetñini mewö qerakzei, yengön mepaqepaik aka andö qem gihigetka añgösirip mörakzani, mi mötzal. Yengön ‘Köuluk miri ölni akzin,’ jiba aiakaninan Satan möpöseimakze.

¹⁰“Sihimbölö möta malmanmö, miangöra keñgötki kude mötman. Mötnöñ, Bölöñañgö Toñan esapesapnöñ al engimamgöra ambazip kuñgum engiiga engöreñök tosatñi engömembra kösö mire al engime. Añgösirip ak engimei, iñini mi silim 10 möta malme. Malbeak me kömumbeak, mönö nömbuk pöndañ kingetka nöñon malmal köhöikñañgö ila jalöñi engimam.

¹¹“Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañon mönö mi kezap ala möt kutuma.

“Kunñan esapesap bölöñi pakpak oñgita luhut almawi, yañgö sileñan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

Pergamum urumelej könagesö yengö qambañ keu

¹²“Pergamum sitigö zioz kambu yengö pom garatañinañgöra mönö kimbi kewö ohoman,

“Kunöñ bimgö sou ketañi (bainat) jityahötñi likelike zuluk alañi memba maljawi, yañon keu kewö jiza: ¹³Göñon malmal tatatki denike ala maljani, mi mötzal. Satanöñ nanñak jakömbuak dum tatatñi ali ahözawi, gi mönö miangö kösutñe malakzan. Töndup nöñgö qetni memba nömbuk toroqeba qekötahöba kinakzan. Satangö malmal tatatñi Pergamum siti miangörej ahöiga Antipas yañon nöñgö könañamni nañgöba jiba jembon oñi nene (qariwe ilikñi nene) ewö kinökmö, i engö sutñine miangörej qeget kömuyök. Göñon ni möt narim niñgimakzani, keu mi nalö miangörej mewöyök qahö köyatiba qañ kölnöñ.

¹⁴^k“Mewömö, urugahö keu moröñi kun kewö mötpi qahö dop kölja: Göhö könagesö sutñine tosatñan kezapqetok azi takapulakañi qetñi Balam yañgö janjuñbuk mala wuatangömakze. Kantri tosatñi yengön

ⁱ 2.8 Ais 44.6; 48.12; Ind 1.17; 22.13 ^j 2.11 Ind 20.14; 21.8 ^k 2.14 Jañ 22.5, 7; 31.16; Dut 23.4; Jañ 25.1-3

nene memba tandö lopion yengö naluk kötin buja qeba könajine algetka ösumņinan walöjnöhi, Israel ambazipnöy mi qahö nezema. Mutuk qahö negetmö, Balamnöy azi qetņi Balak kewö kusum waņgiyök, ‘Gi mönö Israel ambazip mi nemegöra tutuhum engiman.’ Mewö kusuba kuņgum engiba simba ewö utuba alöhi, yeņön mönö miaņgöreņ qaköba amqeba neget aka serowilin laņ aket. Engöreņök tosatņan Balamgö mötmöt mi wuatañgömakze.

¹⁵“Mewöņanök göhö könagesö sutņine tosatņan Nikolait yeņgöreņ mötmöt munerņi memba wuatañgömakze. ¹⁶Miaņgöra gi mönö urugi meleņman. Mewö qahö akņan ewö, nöņön mönö zilaņ göhöreņ kaba könagesöurupki mewöņi mi qetal engimam. Numbune bimgö sou ketañi (bainat) ahözawi, miaņön mönö yarö gil engimam.

¹⁷“Engöreņök kuņņan kezapņambuknöy malja ewö, Uņa Töröņan zioz kambuņi kambuņi neņgöra keu jimakzawi, yaņön mönö mi kezap ala möt kutuma.

“Kuņņan esapesap bölöņi pakpak oņgita luhut almawi, nöņön mönö nene tölapņi qetņi mana aka köt tuatņi waņgimam. Yahöt mi waņgibiga köt tuatņi miaņgöreņ qetņi dölöķņi ohogetka ahömawi, mi nanņök oyonđa mötma. Tosatņan mi qahö mötme.” Mewö.

Taiataira urumeleņ könagesö yeņgö qambaņ keu

¹⁸“Taiataira sitigö zioz kambu yeņgö pom garataņinaņgöra mönö kimbi kewö ohoman:

“Anutugö Nahönņangö jekötņan könöp bölam ewö jem asariiga köna susuņan sösönihiba ain bras ewö kölköl-bilikbilikņambuk akzawi, yaņön keu kewö jiza: ¹⁹Nöņön göhö ahakmemegahö könaņi möt kutubi kewö ahöza: Göņön Anutu jöpaköba möt narim waņgiba nupņi memakzan aka aņgösirip kapaņ köla möta mökösoņđa malakzan. Könakönahiņe yuai aka menöņi, mi mönö nalö kewöņe mem sehiba aka memakzan.

²⁰“Mewö memakzanmö, urugahö keu kun kewö mötņi qahö dop kölja: Göņön ambi qetņi Jezebel yambuk urumohot aka i qahöpmahöp qepureim waņgimakzan. Yaņön kezapqetok ambia qahö akzapmö, töndup nanņi qetņi mewö qerakza. Yaņön ambazip tutuhuba kewö kusum engimakza: Tandö lopiongö naluk kötin neneya buja qeba könajine algetka ösumņinan walöjnöhi, mi mönö ölöp nemba malme. Mewö kusum engiba nup meme alaurupņi kuņgum engiiga löwöriba janjuņ anda mi nemakze aka serowilin laņ ahakze. ²¹Nöņön Jezebel uruņi meleņmapköra nalö waņgialmö, serowilinņi mosöta uruņi meleņmapkö qahö möta töndup malja.

¹ 2.17 Eks 16.14-15; 16.33-34; Jon 6.48-50; Ais 62.2; 65.15 ^m 2.20 1 Kiņ 16.31; 2 Kiņ 9.22, 30

22 “Miangöra nönön ambi mi qeiga kawöl yöhöiga salöknön ahöba sihibölö mötma. Mewöyök yambuk sero yongorö ahakzei, yejön ahakmemejini bölöni mi qahö mosöta urunjini melejme ewö, nönön mönö i mohot engubiga sihibölö kanjamjambuk mötme. 23 “Yanjö nahönböraturupji i mönö engum könjöratpi kömume. Mewö akiga zioz könagesö körek enjön engeka nönjö könanu kewö möt yaköme: Nönön ambazip urumötmötjini kewöta jit aka urusihimjini körek möt kömumba ahakmemejinangö dop likepji melejda körek mohot mohot engö qakjine öngöma. Nönönök mönö miangö Tonji akzal.

24 “Yeñgöra mewö asuhumapmö, Taiataira engöreñök tosatjan Zezebelgö mötmöt areji mi qahö wuatangömakze. Mewö qahö aketka engöra mepaqepaik kewö aka jim engimakze, ‘Injini mötmöt öngöngöñangö könanu qahö möt kutuba yaigep malje.’ Mepaqepaik mewö jiba ak engimakzemö, Satangö buña mötmötköra qet mewö qerakze. Nönön zioz kambu körek engöra kewö jibi mötme: Nönön lömböt kun qahö suariba albi engö qakjine öngöma. 25 Injini Buña keu memba maljei, mönö miangöreñ qekötahöba malme. Nönön kunbuk lilingömamanangö dop mönö mia wuatangöba malme.

26 “Kunjan esapesap bölöni pakpak ongita luhut ala kömumawangö dop mönö töndup jitni tem köla ahakjawi, nönön i kukösum wangjibiga kian kantriji kantriji galöm köl engiba malma. 27 Iwinan kukösum niñgiiga mi buña qem anguba Kembu maljal. Mewöñanök engöreñök kunjan luhut almawi, nönön i jakömbuak nupkö ilanj aka ain öröpji wangimam. Mi wangjibiga miangön gölmeñi gölmeñi ambazip galöm köl engiba köhöikñanök mindingöm engiba malma. Gwaköm kimbut öröpnön qeba qesiñjei, yanön mönö miangö dop qegetal ambazip öröp pöwöwöm köhöikñi miangön enguba köndenja mendeñ engiiga qeqelanjan malme. 28 Mewöyök söñangö undi señgelau wangimam.

29 “Engöreñök kunjan kezapñambuknön malja ewö, Uña Töröñan zioz kambuñi kambuñi neñgöra keu jimakzawi, yanön mönö mi kezap ala möt kutuma.” Mewö.

Sardis urumelen könagesö yeñgö qambañ keu

3 ¹ Jisösnön toroqeba kewö jiyök, “Sardis sitigö zioz kambu yeñgö pom garatanjanangöra mönö kimbi kewö ohoman,

“Kunön Anutugö uña bohonji 7 aka señgelau 7 mi böröñe ahöi memba maljawi, yanön keu kewö jiza: Nönön göhö ahakmemegahö könanu möt kutubi kewö ahöza: Göñön ambazip jeñine guliba maljanangö qetji bisimakzanmö, Anutugö jeñe köhömuñi akzan. ² Miangöra mönö imbigi möta wahötman. Göhö ahakmemegan nönjö Anutunangö

^a 2.23 Sum 7.9; Jer 17.10; Sum 62.12 ^o 2.26-27 Sum 2.8-9

jeŋe aködamuŋambuk qahö akza. Göhö könajamgi kewöta mewö miwikŋajal. Göhö könagesö uruŋe urumelen ambazip tosatŋi kunbuk maljemö, yeŋön mewöyök kömum taköbingö akze. Miaŋgöra göŋön mönö mem köhöim eŋgiba malman.

³“Anutugö yuai gihigetka buŋa qem aŋguba mötnöŋi, mi mönö urukönömge jöhöba mötmöriman. Buŋa mi mönö tem köla urugi meleyenman. Guliguli qahö malman ewö, nöŋön mönö yoŋgorö meme ewö ölöŋ kaba asuhumam. Kamamaŋgö aua nalöŋi qahö mötnöŋga keunan mönö zilaŋ qake öŋgöiga lömböt miwikŋaiman. ⁴Mewömö, Sardis zioz kambu eŋgö sutŋine ambazip awamdökŋi eŋön opo söronŋini ölöŋŋanök galöm kölgetka töwötŋambuk qahö akze. Miaŋgöra yeŋön ölop maluku tuatŋan sileŋine löŋgöta nömbuk anda kaba malme. Yeŋön mönö mewö aka malmeaŋgö dop akze.

⁵“Kunŋan esapesap bölöŋi pakpak oŋgita luhut almawi, yaŋgöra mönö maluku tuat lalamŋi waŋgigetka köla malma. Yaŋgö qetŋi malmal köhöikŋaŋgö buk papianöŋ ohoget ahözawi, nöŋön mi qahö kutumam. Iwinanŋö jemesoholŋe aŋgoriga Suep garataurupŋan eketka qetŋi ölop aukŋe jim miwikŋaim eŋgimam.

⁶“Eŋgöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.” Mewö.

Filadelfia urumelen könagesö yeŋgö qambaŋ keu

⁷“Filadelfia sitigö zioz kambu yeŋgö pom garaŋaŋinaŋgöra mönö kimbi kewö ohoman,

“Kunöŋ Azi Töröŋi aka Ölbölŋi aka kiŋ Deiwidkö ki moröŋi memba galöm köla maljawi, yaŋön keu kewö jiza: Yaŋön naŋgu metaliga kunŋan mi köla kiŋi memamgö osima. Yaŋön mi köla jöhöiga kunŋan mi musulmamgö osima. ⁸Nöŋön göhö ahakmemegahö könajŋi ölop möt kutuzal. Alani mötnöŋ, göhö ösumgan eretŋi akzawi, mi mötzal. Eretŋi akzapmö, göŋön mönö nöŋgö Buŋa keuni tem köla könani wuatŋagöba qetni qahö qaŋ köla malnöŋ. Miaŋgöra nöŋön naŋgu kun wösöge metalbiga kunŋan mi kölmamgö osima.

⁹“Mötnöŋ, kambu kun yeŋön ‘Köuluk mirininambuk akzin,’ jiba aiakaŋinan Satan möpöseimakze. Juda ambazip qahö aka töndup qetŋini mewö qeta muneŋ jimakze. Nöŋön ambazip mi kuŋgum eŋgibiga göhö könajamgi möt asarime. Mi möt asariba kaba göhö könage sipköba eta jöpaköm gihimakzali, mi aukŋe jim miwikŋaime. ¹⁰Nöŋön kapaŋ köla lömböt möta mökösoŋda kin köhöimangö jiali, göŋön nöŋgö

^p 3.3 Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8 ^q 3.7 Ais 22.22; Job 12.14 ^r 3.9 Ais 49.23; 60.14; 43.4

jimkutukutuni mi anġon köla wuatangöba malnön. Miangöra nöġon mewöyök gi kewö anġon köl gihimam: Wahöjalinġ nalö tandökni kun kaba kantriġi kantriġi dop köla gölmenön mal anjei, mi esapesapnön al enġima. Nalö miaġon kam kuġguiga nöġon gi wahöjalinġ miangörenök meköba bohongi jöhömam.

¹¹“Nöġon mönö zilaġ liliġgöba kamam. Kunġan utum gihiba ila jalö memenje luhut al gihibapuköra mönö urugö inap ahöm gihizawi, mi mönö töp memba malnönġa qahö sohoba kahaimök ahöma. ¹²“Kunġan esapesap bölöni pakpak onġita luhut almawi, nöġon mönö i wanġita nöġö Anutunangö möpömmöpösei jike (tempöl) uruġe kuġgubiga tandöni akġa aka nalö kunön mi kunbuk qahö mosötma. Miangörenġ maliga sileġe nani Anutunangö qetġi, Anutugö sitiġangö qetġi aka nani qetni döläkni qet karöbut mi ohomam. Anutunan Jerusalem sitiġi döläkni mi nanġi mire euyangörenġ ali ahözawi, miaġon Suepnöhök eta gölmenön asuhuma.

¹³“Enġörenök kunġan kezapġambuknön malja ewö, Uġa Töröġan zioz kambuġi kambuġi neġgöra keu jimakzawi, yaġon mönö mi kezap ala möt kutuma.” Mewö.

Laodisia urumeleġ könagesö yeġö qambaġ keu

¹⁴“Laodisia sitiġö zioz kambu yeġö pom garataġinangöra mönö kimbi kewö ohoman,

“Kun qetġi Amen. Yaġon Anutugö keuġi pöndaġ naġgöba Dangunu ölbölġi akza. Anutu bauköiga yuai pakpak miwikġaiyohotka galöm kölakzawi, yaġon keu kewö jiza: ¹⁵Nöġon göhö ahakmemegahö könäni möt kutubi kewö akza: Urugi qahö amöriza aka nöġö könöp bölamnan uruġe qahö jemakza. O urugan amöribawak me könöwibawak, miaġon mötġi dop kölbawakmö, jöġaġe malnönġa qahö dop kölja.

¹⁶“Kun me kun dop kölbawakmö, urugan borom kun könöpönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutġire uruyahötnön laġ malġanangöra mönö numbuneyök söwötköm gihibi geman. ¹⁷Nangi silegi mem öġgöba kewö jimakzan: Nöġon azi kindiġbirik qetbuġanambuk akzal. Sukinap mem sehiba dopne miwikġaizal. Siyoġsayoġi qahö mala yuai kungöra qahö osizal. Mewö jimakzanmö, könäġamgi ölni qahö möt kutuzani, mi kewö: Göġon mönö kumkanġam aka tapötkokorok (dabökokorok) malnönġa tosatġan wösömötmöt ak gihimakze. Wanapġi mala jeġi gömöliiga tiktak sile aukġe malakzan.

¹⁸“Miangöra qambaġ keu kewö gihizal: Göġon nöġörenök yuai karöbut ki söġgöroni meman: Azi kindiġbirik qetbuġagabuk akġangöra

° 3.12 Ind 21.2; Ais 62.2; 65.15 † 3.14 Qam 8.22

mönö goul könöpnöy delasi ohoba gödöwörötñi mendenget sösönihiba eta qahöwahöhi, mi mönö bohonñi meman. Sile aukñe malakzani, miañgö gamuñi közambötmanğora mönö maluku tuatñi bohonñi memba löngötman. Jegi gömölizawi, miañgöra mönö jepisik kelök mi bohonñi memba jegi törörök umangöra miriman. ¹⁹“Nöñön wölböt alaurupni jöpaköm enğimakzali, mi körek bölöñamñinañgöra tembula jim enğiba mindinçindin ak enğimakzal. Ölöwakñegöra mewö ahakzal. Miañgöra gi mönö jaulalaj mosöta urugi melenđa singisöndoki andö qeba malman.

²⁰“Mötnöy, nöñön nañgunöy qeba kinjal. Kunñan nöñgö keu imbini möta uru nañguni musulmawi, nöñön mönö yañgö miri uruñe öñgöba yambuk tatpi yañön nömbuk köisirik tata mohotñe nene nemit.

²¹“Nöñön esapesap bölöñi pakpak oñgita luhut ala Iwinan noañgiri yañgö jakömbuak dumñe eta qöhöröñe tatza. Miañgö dop kunñan esapesap bölöñi pakpak oñgita luhut almawi, nöñön mönö i wañgitpiga nöñgö jakömbuak dumne eta qöhöröñe tatma.

²²“Enğoreñök kunñan kezapñambuknöy malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Jeni meleñniga kunöy Suep jakenöy tariga ehal.

4 ¹Miañgö andöñe jemelen kunbuk asuhuiga Suep miri nañguni kun añañiiga ehal. Ekiga imbi mutuk tömun qainñi kun (biugel) ewö keu jiiga mörali, yañön mönö suariba kewö jiyök, “Gi mönö kewö kotnöñga andöñe yuai asuhumawi, mi kondel gihimam.”

²“Mewö jiiga miañgöreñök Uña Töröñan nömeiga alburupñan qakne öñgöiga yuai kewö ehal: Suep miri uruñe jakömbuak dum ahöiga kunñan miañgöreñ tarök. ³Taröhi, yañgö jemesoholñangö asakñan mönö eröknam me jamönñin qetñi jaspö aka wale bönbönñi me köt qetñi karnilian miañgö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönñin qetñi emerald ewö miañön jakömbuak dum mi lökñanök liliköba töñgönñi göröhiba ahöyök.

Dum bohonñi liliköba dum 24:ñan tatze.

⁴Jakömbuak dum tosatñi 24 mieñön dum bohonñi mi liliköba tatketka mieñgö qakñine Anutugö jitñememeurup 24 tatket. Yeñön malukuñini tuat lalamñanök öluñ geiga nööröñine goul ila jalö kunduta tatket. ⁵“Dum bohonñi miañgöreñök wöl bilikbilik jesöñgö asariiga giñgururuñ asuhuiga imbi wölpöndañgö ötöy kourukñi ewö möral. Dum bohonñangö wösöñe tos kiwa asakñi 7 jeba asariba kinget. Kiwa 7 mi

¹ 3.19 Qam 3.12; Hib 12.6 ² 4.2-3 Eze 1.26-28; 10.1 ³ 4.5 Eks 19.16; Ind 8.5; 11.19; 16.18; Eze 1.13; Ind 1.4; Zek 4.2

Anutugöreŋ uŋa bohonŋi 7 akze. ⁶*Mewöŋanök jakömbuak jake wösöŋe yuai gilikbilikŋambuk köwet ewö ehal. Mi kirin johanŋi johanŋi kölköbilikbilikŋinambuk melenŋda asarimakzei, mönö miaŋgö dop asariyök. Jake bibiŋe dum liliköba bem jembon 4 kinget. Andöŋini aka wösöŋini mi jeŋinanök dop köliga kinget.

⁷Bem jembon mutukŋan laion sömbup ewö ahök. Alaŋan bulmakau aziŋi ewö ahök. Alaŋiri kungö kaisoŋgolomŋi mi azi jesöŋgöronŋaŋgö tandök ahök. Alaŋini 4:ŋan tukapkap bölbölgömakzawaŋgö tandökŋa ahök. ⁸Bem jembon 4 mohot mohot yeŋgö ginginŋini 6 pakpak ahöm eŋgiyök. Sileŋini lökŋanök aka ginginŋini bapŋe mewöyök jekötŋinanök dop köl eŋgiiga kinget. Kinda suŋgem silim liŋet kewö qörörök kölakze, “Kembu Anutu kukösum pakpakö Toŋi göŋön mönö töröŋi aka töröŋi aka töröŋanök akzan.

Malmal Toŋi göŋön mönö möpŋaŋgö möpŋeyök mala kota maljan aka kunbuk lilingöba asuhuba mal öŋgöman.”

⁹Bem jembon 4 mieŋön mönö mewö möpömpöŋe liŋet kölakze. Kunöŋ jakömbuak dumnöŋ kinda nalö teteköŋi qahö mal öŋgöba malmawi, i aködamun qetbuŋa al waŋgiba saiwap jimakze. ¹⁰Mewö ahakzeaŋgö dop Anutugö jitreŋememe 24 mieŋön eta kun jakömbuak dumnöŋ tatzawi, yaŋgö jeŋe simin köla sipkömakze. Kunöŋ nalö teteköŋi qahö mal öŋgöba malmawi, yaŋgö waikŋi memba möpöŋeim waŋgimakze. Möpöŋeim waŋgiba ila jalöŋini qeköba jakömbuak dum wösöŋe ala kewö jimakze,

¹¹ “O Kembu Anutunini, göŋön öroyuai pakpak miwikŋaim eŋginöŋ. Göhö jitsihitkan nam köl eŋgiiga letota malmal miwikŋaiba malje. Miaŋgöra aködamun qetbuŋa mi al gihiba saiwap jim gihimakzin. Göŋön mohotŋan mönö möpöqöpöŋe pakpak aŋgön kölmanŋgö dop akzan.” Mewö.

Lamanöŋ Anutugö böröŋeyök kimbi köpep meyök.

5 ¹Miaŋgö andöŋe kimbi köpep kun ekiga jakömbuak dumnöŋ tatzawaŋgö böröŋi ölje ahöyök. Kimbi miaŋgö sinŋi mi likeplikep lökŋanök kulemöhök ohoba köpeiba sapönöŋ ala muŋgem supap (sil)^z 7:nöŋ köla mekötahögetka ahöyök. ²Mewöyök Suep garata ösum-mumuŋambuk kun ekiga köhöikŋanök qeta buzup keu kewö qesiba jiyök, “Daŋön sarak sorokŋi aka ölop kimbi köpep kiaŋgö muŋgem supapŋi (sil) munjurata kötulmawaŋgö dop akza?”

* 4.6-7 Eze 1.5-10, 22; 10.14; Eze 1.18; 10.12; Ais 6.2-3 ^y 5.1 Eze 2.9-10; Ais 29.11

^z 5.1 Kantri tosatŋe kimbi ohoba esunöŋ ala sapö memba kunŋan mi kötulbapüköra aka muŋgem supapnöŋ kölakze. Kunŋan muŋgem supap (sil) mi laŋ munjurata kulemŋi yonŋorö oyonŋbawak, mi mönö miwikŋaigetka keubuk akŋa. Kimbi toŋanök mi galöm kölakza. Miri mi ki namŋi ala misiin gemakzapmö, kimbi mi muŋgem supapnöŋ jöhömakze.

³Mewö jiyökmö, Suepnöŋ, gölmenöŋ aka kömupkö uŋem miri miaŋgöreŋ körekmakörek engegetka kunŋan kun mi mutula kulemŋi ekŋawaŋgö dop qahö ahök. ⁴Kunŋan kun sarak sorokŋi aka kimbi mi mutula kulemŋi ekŋawaŋgö dop qahö miwikŋaigeri, miaŋgöra nöŋön gwötpuk sahöt böliäl. ⁵“Sahöt bölibiga Anutugö jitŋememe yeŋgöreŋök kunŋan nöŋgöra keu kewö jiyök, “Mönö kude sahötnöŋ. Mötnöŋ, Juda kambunöhök Deiwidkö gwölönarökŋi kun ahuba laion sömbup ewö aka Bölöŋaŋgö Toŋi luhut ala malja. Yaŋön mönö ölop köhöiba kimbi köpep kiaŋgö muŋgem supapŋi (sil) 7 mi munjurata kötulma.”

⁶^bMewö jiŋga Lama moröŋi ekiga jakömbuak dum bibiŋe bem jembon 4 miengö sutŋine kiniga Anutugö jitŋememe yeŋön liliköm waŋgiŋet. Lama moröŋi miaŋön mönö qeget kömuyöhaŋgö tandökŋa kinök. Ilikŋi 7 aka jekötŋi 7. Anutunöŋ uŋaurupŋi bohonŋi 7 melaim enŋiiga gölmegö ambazip pakpak yeŋgöreŋ anda maljei, jekötŋi 7 mi mönö yeŋgö söpsöpŋina akze. ⁷Lama moröŋi mi ekiga kaba kimbi köpep supapŋambuk mi jakömbuak dumnöŋ tatzawaŋgö böröŋi öŋŋeyök meyök. ⁸“Mi meiga bem jembon 4 aka Anutugö jitŋememe 24 miengön mönö miaŋgöreŋök Lama moröŋaŋgö wösöŋe sipköba eta simin kölget. Yeŋön mohot mohot kulele aka goul qambi memba kinget. Ambazip sarakŋan köulukögetka Anutugöreŋ öŋgömakzawi, miaŋön mönö jiniŋ ohohogö dop aiga wörönŋi umköhöwakŋambuknöŋ öŋgöba pukpukömakza. Wörön mewöŋan mönö goul qambiŋini kokolak qeiga kinget. ⁹“Simin köla liŋet dölöŋŋi kewö köla jiget,

“Göŋön qainŋi kun akzan. Gi guhugetka kömumba sepki mokoba miaŋön ambazip bohonŋi memba enŋömenöŋ.

Ambazip mi bem isikŋinaŋgö dop, keu jöl jijiŋinaŋgö dop, kambuŋinaŋgö dop aka kantriŋinaŋgö dop. Göŋön mönö miengöreŋök tosatŋi enŋömenöŋga Anutugö buŋaya akze.

Miaŋgöra göŋön mönö sarak sorokŋi aka kimbi köpep supapŋambuk memba muŋgem supapŋi (sil) mutulmanaŋgö dop akzan.

¹⁰ ^eYeŋön Anutugö buŋaya aketka kusum enŋiba kuŋgum enŋinöŋga bemtohoŋgahö kiŋ kumbu kambu aka jike nup galömurupŋi akze. Yeŋön Anutuninaŋgö nupŋi memba mala gölme dop ambazip galöm köl enŋiba mal öŋgöme.”

¹¹^fLiŋet mewö köla jigetka möta toroqeba uba Suep garata jaŋgöŋini tausenni tausenni aka milyönŋi milyönŋi mi enŋeka liŋet kourukŋini möral. Yeŋön jakömbuak dum kösutŋe kindä bem jembon 4 aka Anutugö jitŋememe 24 mi liliköm enŋiba liŋet kölget. ¹²Liŋet köhöikŋanök qeta kewö kölget,

^a 5.5 Jen 49.9; Ais 11.1, 10 ^b 5.6 Ais 53.7; Zek 4.10 ^c 5.8 Sum 141.2 ^d 5.9 Sum 33.3; 98.1; Ais 42.10 ^e 5.10 Eks 19.6; Ind 1.6 ^f 5.11 Dan 7.10

“O Lama moröŋi qeget kömuyöhi, yaŋön mönö sarak sorokŋi aiga Anutunöŋ ösum-mumu aka töhötmöriam waŋgiiga dopŋe akza.

Mötkutukutu öŋgöŋgöŋi aka kukösum pakpak buŋa qeiga dopŋe akza. Sarak sorokŋi aiga ölop qetbuŋa pakpak waŋgiinga asakmararaŋ buŋa qeiga möpöseim waŋgin.”

¹³Mewö köla möpöseigetka liŋet kambu kun kewö möral: Anutunöŋ malmalbuk miwikŋaim eŋgiyöhi, mieŋön mönö körekmakörek liŋet kölgetka möral. Suepnöŋ maljei, gölmenöŋ maljei, kömupkö uŋem mire aka köwet qakŋe maljei, mieŋön mönö körek numbuŋini mindiriba liŋet kewö kölget,

“Jakömbuak dumŋe tatzawi aka Lama moröŋi neŋön injiri möpöseim etkizin.

Kötuet Toŋi etkö qetbuŋaŋiri jim qarimakzin. Nalö dop asakmararaŋ etkiinga kukösum Toŋi mi teteköŋi qahö mal öŋgömahot.”

¹⁴Mewö kölgetka bem jembon 4 mieŋön “Keu mi ölna,” jiget. Jigetka Anutugö jitŋememe yeŋön eta dapköba simin köla Anutu waikŋi memba möpöseim waŋgiget. Mewö.

Lama moröŋan muŋgem supap mohot mohot munjuratza.

6 ¹Mewö möta yuai kewö asuhui ehal: Lama moröŋan kimbi köpep supapŋambukö muŋgem supapŋi (sil) 7 mieŋgöreŋök mutukŋi munjurata kötülök. Kötuliga bem jembon 4 yeŋgöreŋök kunŋan keu kewö jiyök, “Mönö asuhaba kanöŋ!” Keuŋi mi wölpöndaŋ tandök ewö köhöikŋanök qeri möral. ²^gMewö jiiga möta miaŋgöreŋök hos tuatŋi kun asuhuiga ehal. Hos miaŋgö qakŋe azi kun timbiŋambuk tari tosatŋan ila jalö waŋgigetka nöropŋe kölök. Mi köla yarönöŋ luhut ala malöhaŋön mönö kunbuk hos qakŋe yarönöŋ luhut almamgöra anök. Mewö.

³Lama moröŋan muŋgem supap (sil) yahötŋi munjurata kötuliga bem jembon yeŋgöreŋök yahötŋi yaŋön keu kewö jii möral, “Mönö asuhaba kanöŋ!” ⁴^hMewö jiiga miaŋgöreŋök hos kun silenŋi pisikŋi somabölämbuk asuhuiga ehal. Azi kun hos miaŋgö qakŋe taröhi, Anutunöŋ mönö i yom karim gili luai qahöwakŋapkö kukösumŋi waŋgiyök. Mi waŋgiiga gölmenöŋ aum aŋgöhöba kömumegöra kuŋguiga ambazip uru mem wahöt eŋgimawaŋgö kukösumŋi miwikŋaiyök. Mi miwikŋaiiga bimgö sou keta bölökŋi waŋgigetka memba anök. Mewö.

⁵ⁱLama moröŋan muŋgem supap (sil) karöbutŋi munjurata kötuliga bem jembon yeŋgöreŋök karöbutŋi yaŋön keu kewö jii möral, “Mönö asuhaba kanöŋ!” Mewö jiiga miaŋgöreŋök hos injani kun asuhuiga ehal.

^g 6.2 Zek 1.8; 6.3, 6 ^h 6.4 Zek 1.8; 6.2 ⁱ 6.5 Zek 6.2, 6

Azi kun hos miangö qakne taröhi, yanön inapkö lömbötji kewötpingö dop ipji (skeil) mi börönan memba tarök. ⁶Mewö tariga bem jembon 4 yengö sutjineyök kunöj keu jiiga kourukji tandök ewö kewö möral, “Silim mohotkö töwanji (Kina 5) mianön ölop 1 kilogram wit flaua me 3 kilogram bali flaua mi bohonji meman. Töndup nenegö oil ip aka wain kösö nup mi mönö kude mem bölime.” Mewö.

⁷Lama morönan munjem supap (sil) 4:ji munjurata kötuliga bem jembon 4:nan keu jiiga kourukji kewö möral, “Mönö asuhuba kanöj.” ⁸Mewö jiiga miangöreñök hos kun silenji gohotgohot aka kaukaunambuha asuhuiga ehal. Hos miangö qakne taröhangö qetji mi kömupkö kondotkondot Tonji. Yangö kösutnje kömupkö unjem miri Tonjan mewönanök i wuatangöba kayök. Gölme mendeñgetka bahöni 4 ahöiga mieñgöreñök kungö ambazipji mi galöm köl engibitkö kukösumji mi Anutunöñ etkiyök. Kukösum mi etkiiga ösumjiran gölmegö ambazip bahöni mi kewö mem kömum engiyohot: Tosatjan sou ketajan (bainat) auba kömuget. Tosatjan bödinöñ kömuget. Kawöl kanjamñambuknöñ tosatji engömeiga kömuget aka tosatji mi gölmegö sömbup kalji mieñön engöhögetka kömuget. Mewö.

⁹Lama morönan munjem supap (sil) 5:ji munjurata kötuliga miangöreñök Anutugö ambazip tosatji engugetka kömugeri, yengö unjanini engehal. Yeñön Anutugö Buña keuji angö köla nangöba jim sehiba malgerangöra engugetka kömumba alta bapne ahöget. ¹⁰Euyangöreñ ahöba köhöiknanök kewö qetket, “O Kembu kukösum Tonji, göñön diñdiñi aka ölbölji akzan. Miangöra mönö nalö dawik mambörin teköiga miangöreñ gölmegö ambazipji kewöt enggiba keujini jim teköman? Neñön gi welen qem gihiinga nengugetka sepninangö kitipji mi mönö wani nalönöñ melenñönga qakñine öngöma?”

¹¹Mewö jigetmö, maluku tuatji köröpji mi mohot mohot yengöra köl engiget geiga Anutugö jimkutukutu kewö engigetka mötket, “Injini mönö toroqeba nalö töröptökji mamböta malme. Mötnarip alaurupjinan toroqeba urugö nup memba malgetka injini ewö mewönanök engugetka kömume. Yeñön kömugetka janö alali, mianön dopne aiga nalö miangöreñök mönö engugeri, yengö keujini jim tekömam.” Mewö.

¹²^kLama morönan munjem supap (sil) 6:ji munjurata kötulöhi, mi uba ehal. Mi munjurata kötulöhi, nalö miangöreñ kenöñ tandökji sohosohöñi gilök. Wehön jeñan böuktutuk ala injan köla wösöbirikö malukuñi sanjöp ewö (meme jupjan memenangö tandök) aiga söñauyök. Köiñ jeñan melenña lökñanök pisihiba sep ewö ahök. ¹³^lMewö aiga sengelau suepnöñ ahözei, mieñön mönö gölmenöñ etket. Newañ kötnji gohoriba

^j 6.8 Eze 14.21 ^k 6.12 Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 ^l 6.13-14 Ais 34.4

tatketka luhut köhöiknan qeba utuköba mumburatiiga erakzei, mönö miaᅅgö dop buratiba gölmenöᅅ tata pilpil etket.

¹⁴ Mewö etketka suep ehakzini, miaᅅn mönö ayapköyök. Kimbi köpöp köpeigetka öröba anakzawaᅅgö dop mönö wölakzak öröba anda ayapköyök. Mi ayapköiga kundunᅅi pakpak aka köwetkö gölme jölanᅅi jölanᅅi mi mönö körek ahöahöᅅineyök zilaᅅ kök ala sömuniget.

¹⁵ Mewö asuhuiga gölmegö kiᅅ kembuᅅi kembuᅅi, azi jembonᅅi jembonᅅi aka suahö galömᅅi galömᅅi mieᅅn mönö ölöᅅ köla asambötket. Ambazip kindiᅅbirik qetbuᅅaᅅinambuk, ambazip kukösümüᅅinambuk mi mönö körek kök ala asambötket. Nanᅅini nupᅅini memakzei aka toᅅinaᅅgö welenᅅini öne qemakzei, mi mönö körek pakpak baᅅet, köt kinimᅅi aka kundunaᅅgö sem siaᅅi jaruba miaᅅgöreᅅ asambötketka eᅅgehal. ¹⁶ Miaᅅgöreᅅ asamböta kundunᅅi Toᅅi aka sem sia Toᅅi eᅅgohola kewö uletket, “Iᅅini mönö kundunᅅi jim tekögetka buaköba kaba turum neᅅiget. Jakömbuak dumᅅe tatzawaᅅn jemesohol köᅅ neᅅigibapuköra aka Lama moröᅅaᅅgö irimesewölᅅan neᅅgubapuköra mönö jim tekögetka közamböt neᅅiget.” Mewö uletket. ¹⁷ Yetköᅅ irimesewölᅅiri aukᅅe kondeljahori, miaᅅgö nalöᅅi ketaᅅan mönö kam kuᅅguba ahöza. Mi kunᅅan kun mesohol köla kinmawaᅅgö dop qahö. Mewö.

Israel ambazip 144.000 mi Anutunöᅅ asö köᅅ eᅅgima.

7 ¹ Miaᅅgö andöᅅe Suep garata 4 eᅅgekiga gölmegö waᅅgömᅅi 4 miaᅅgöreᅅ kinget. Yeᅅn gölmegö luhut Toᅅi bohonᅅi 4 mi jöhöm eᅅgiba aᅅgön köᅅget. Luhutnöᅅ gölme qakᅅe me köwet qakᅅe laᅅ gilbapuköra me ip kunᅅan qebapuköra mönö Toᅅi 4 mi böroᅅinan memba jöhöba kinget. ² Anutunöᅅ Suep garata 4 mi gölme aka köwet köndeᅅ eᅅgibingö kukösümüᅅi eᅅgiiga gölme waᅅgömᅅine kinget. Mewö kingetka eᅅgehiga Suep garata kunöᅅ wehön kotkotᅅeyök asuhuba wahöri ehal. Yaᅅn malmalgö Toᅅi Anutugö muᅅgem asö öroᅅᅅi galöm köla kaba Suep garata 4 yeᅅgöra köhöiknaᅅnok qerök.

³ Qeta keu kewö jiyök, “Iᅅini mönö gölme me köwet mi zilaᅅzilaᅅ kude köndeᅅ etkime aka ip mi kude ayuhum eᅅgime. Mi qahöpmö, mönö mambötketka mutuk zilaᅅkö Anutuninaᅅgö muᅅgem asöᅅi mi nupᅅi memakzei, yeᅅgö mesoholᅅine mekötahöm eᅅgibin. Mi mutuk kösöba mekötahöm eᅅgiingun andöᅅe mi ölöᅅ köndeᅅda ayuhume.” ⁴ Mewö jiiga Anutugö muᅅgem asöᅅi mi Israel ambazip tosatᅅi yeᅅgö mesoholᅅine kösöm eᅅgiget. Kunöᅅ yeᅅgö jaᅅgöᅅini jiiga kewö möral: Israel ambazip kambu 12 pakpak mieᅅgöreᅅköᅅ mindiriba ambazip 144.000 mi kösöm eᅅgiget.

^m 6.14 Ind 16.20 ⁿ 6.15 Ais 2.19, 21 ^o 6.16 Hos 10.8; Luk 23.30 ^p 6.17 Joel 2.11; Mal 3.2 ^q 7.1 Jer 49.36; Dan 7.2; Zek 6.5; Eze 9.4, 6

⁵Israel kambu mohot mohot miengörenök 12.000 mewö mewö kösöm enjiget. Juda kambugö 12.000, Ruben kambugö 12.000, Gad kambugö 12.000, ⁶Aser kambugö 12.000, Naftali kambugö 12.000, Manase kambugö 12.000, ⁷Simeon kambugö 12.000, Liwai kambugö 12.000, Isakar kambugö 12.000, ⁸Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm enjigetka mindiriba 144.000 ahök. Mewö.

Oyaenkoyaen malmeangö kambu ketani ehal.

⁹Miangö andöŋe kambu jitji buburatinji jaŋgöŋini kude oyoŋoyoŋgö dop mi ehal. Ambazip mi kambuŋinaŋgö dop, bem isikŋinaŋgö dop, kantriŋinaŋgö dop aka keu jöl jijiŋinaŋgö dop tokoba jakömbuak dum aka Lama moröŋi yetkö wösöŋire kinget. Miangören kinda maluku köröpŋi tuatŋi köteköm aŋguget geiga böröŋinan nip sinŋaŋgö böröŋi memba kinget. ¹⁰Mi memba kinda köhöikŋanök qeta kewö jiget, “Anutuninan jakömbuak dumŋe tatzawi aka Lama moröŋi yetkön mönö mem letot neŋgiyohotka oyaenkoyaen akzin.”

¹¹Mewö qeta jigetka Suep garata pakpak yeŋön jakömbuak dum kösutŋe areŋnöh kinda Anutugö jitŋememe aka bem jembon 4 mi liliköm enjiget. Mewö kinda jakömbuak dum wösöŋe bamgöba eta simin köla Anutu waikŋi memba möpöseim waŋgiget. ¹²Anutu möpöseim waŋgiba kewö jiget, “Keu mi öŋŋa! Anutu gi mönö kötuŋet, asakmararaŋ aka mötkutukutu öŋgöŋgöŋaŋgö Toŋi akzan. Neŋön gi möpöseim gihiba qetbuŋagi jim qarimakzin. Anutunini, göŋön ösum-mumu aka kukösum Toŋi akzan. Neŋön nalö dop mewö jim köhöininga Toŋi mi teteköŋi qahö mal öŋgöba malman. Keu mi öŋŋa!”

¹³Mewö möpöseiba jigetka Anutugö jitŋememe yeŋgörenök kunŋan kewö jiba qesim niŋgiyök, “Ambazip maluku köröpŋi tuatŋi löŋgöta kinjei, mi daŋön? Mi mönö denikeyök kaba mewö tokoba kinje?”

¹⁴¹⁷Qesim niŋgiiga kewö melen waŋgial, “O ketaŋamni, mi nöŋön qahö mötpiga nangok mötzan.” Mewö melen waŋgibiga jitŋememe yaŋön kewö jii möral, “Kahasiliŋ keta bölökŋaŋgö sutŋeyök kotkeri, yeŋön mönö mia akze. Lama moröŋaŋgö sepŋan mönö opo malukuŋini saŋgoŋni tuariiga malget. ¹⁵Mewö malgeraŋgöra aka Anutugö jakömbuak dumŋi mesohol köla suŋgem silim möpömöpösei jikeŋe (tempöl) mala Anutugö nupŋi memba malme. Mewö malgetka jakömbuak dumŋe tatzawaŋön mönö opo koumŋi mörörengöba köl turum engiiga malme.

¹⁶⁵⁴Mewö malgetka nalö kunöŋ nenegö me ogö qahö kömume. Wehönöh me yuai könöpŋambuk kunöŋ mönö qahö enghohotirima. ¹⁷Kewögöra oyaenkoyaen malme: Lama moröŋan jakömbuak jake bibiŋe tata galöm köl

^r 7.14 Dan 12.1; Mat 24.21; Mak 13.19 ^s 7.16 Ais 49.10 ^t 7.17 Sum 23.1; Eze 34.23; Sum 23.2; Ais 49.10; 25.8

enġiba enġuangiriga malmal köhöiknaġġo o töwatnaġġo jeŋe anakne. Anutu nanġak jeŋineyök imbilġini pakpak kutuiga teköma.” Mewö.

Lama moröŋan muŋgem supap 7:ŋi munjuratza.

8 ¹Lama moröŋan muŋgem supap (sil) 7:ŋi munjurata mutuliga Suep miri miaŋgöreŋ kouruk pakpak göröŋ ala 30 minitkö dop nöŋ qeba ahöyök. ²Mewö asuhuiga Suep garata 7 Anutugö wösöŋe kinjei, mi enġekiga kunöŋ tömun qainġi kun (biugel) 7 mi böröŋine ala enġiyök.

³“Mi enġekiga Suep garata kun asuħuba jiniŋ ohohogö goul qambiŋi memba kaba alta kösutne kinök. Ambazip sarakŋi pakpak Anutugö köulukögetka yaŋön jiniŋ altanöŋ ohoiga wörönŋi umköhöwakŋambuk mi köulukŋinambuk toroqeba pukpuköba mohotne öŋgöba Anutugöreŋ anakza. Goul alta mi jakömbuak dum wösöŋe kinjawi, yaŋön mönö miaŋgö kösutne kiniga tosatŋan jiniŋ mi gwötpuk ohomapköra waŋgiġet. ⁴Yaŋön jiniŋ mi ohoiga miaŋgö köwakŋan mönö Anutugö ambazip sarakŋi yeŋgö köulukŋinambuk toroqeba Suep garata yaŋgö böröŋeyök wahöta Anutugö jemesoholne öŋgöget. ⁵”Suep garata miaŋön jiniŋ qambi mi memba altanöhök könöp jitŋi mei jeiga qambi miaŋgöreŋ uiga kokolak qeiga gölmenöŋ gili geyök. Gili geiga miaŋgöreŋök wölpöndaŋgö göjuŋi göjuŋi asuħuba ġiŋgururuŋ qerök. Wölbilik ösumŋinambuk asuħugetka kenöŋi kenöŋi nalöŋi nalöŋi meyök. Mewö.

Garata yeŋön tömun qainġi kun uġet.

⁶Suep garata 7 tömunġini qainġi kun (biugel) megeri, yeŋön mi ubingö jöjöröget.

⁷“Garata mutukŋan wahöta tömunġi qainġi kun uyök. Mi uiga ais kötŋi aka könöp bölamŋi mi kie ewö asuħuba sepuk toroqegetka kunöŋ mi mokoiga mohotne gölmenöŋ erök. Miaŋön könöpŋambuk eta gölme qeiga gölmeġö bahöŋi karöbutŋan jem teköyök. Aröknaġġo ipŋi mieŋgö bahöŋi karöbutŋan jem teköget aka gwözözak sinŋi görökŋi mi körek jeba jem teköyök.

⁸Garata yahötŋi yaŋön wahöta tömunġi qainġi kun uyök. Mi uiga kunöŋ kundunġi ketanġi könöp jejeŋi tandök ewö (wolkeno) yuai mi giliga köwetnöŋ geyök. Geba köwet meiga köwetkö bahöŋi karöbut mieŋgöreŋök kunŋan melenġa sep ahök. ⁹Mewöŋanök Anutunöŋ köwetkö yuaiŋi pakpak miwikŋaiiga maljei, miaŋgö bahöŋi karöbut mieŋgöreŋök kun mi kömuġet aka waŋge pakpak mieŋgö bahöŋi karöbut mieŋgö likeŋini kun mi jömgöba ayuħuġet.

“ 8.3 Amos 9.1; Eks 30.1, 3 ^v 8.5 Lew 16.12; Eze 10.2; Eks 19.16; Ind 11.19; 16.18

^w 8.7 Eks 9.23-25; Eze 38.22

¹⁰ *Garata karöbutñan wahöta tömunji qainji kun (biugel) uyök. Mi uiga senjelau ketanji kiwa bölamñi ewö tandök jeba suepnöhök teköba erök. Eta köla gölmegö o töwatñi enjuba mienggö bahöñi karöbut mienggöreñök kun aka o jeñi pakpak mi dop köl enjiyök. ¹¹ *Senjelau mianggö qetñi mi röbek kömbukñambuk. Röbek miangön eriga onji onji mienggö bahöñi karöbutñi mi melejda kömbukñinambuk aket. Kömbukñinambuk akerangöra aka ambazip gwötpukñan mi nempa kömuget.

¹² *Garata 4:ñi yañön wahöta tömunji qainji kun uyök. Mi uiga kunöñ wehön jeñi aka köñ jeñi mietkö asakñiranggö bahöñiri karöbutñi mi etkuiga bahösapsap ömuñ köla söñauyohot. Mewöñanök senjelau bahöñini karöbutñi enjiuga melejda söñauget. Mianggöra silim nalöñanggö bahöñi karöbutñan söñaua pandaman ahök. Mewöñanök sungemgö asakñan töriiga bahöñi karöbutñan söñauyök.

¹³ Mewö aiga eu uba tukapak kun eka mötpiga könakembañe eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut weñön mönö toroqeba tömunñini qainji kun ubingö dop akze. Tömun karöbut mienggö kourukñini mötketka lömböt kanjamñambuk karöbut asuhumei, mianggöra mönö wölziköba yei! yei! yei! jiba sahötzal.” Mewö.

Suep garata 5:ñan tömunji qainji kun uyök.

9 ¹ Suep garata 5:ñi yañön tömunji qainji kun (biugel) uiga ekiga suepnöhök senjelau kun teköba gölmenöñ erök. Eriga kunöñ ömewöröme weñgö löm dutñi qahö mianggö ki moröñi mi senjelau Toñi mi wañgiyök. ² *Mi wañgiiga öme löm dutñi qahö mianggö önunñi musuliga mianggöreñök köwak ketanji söñgok imarurubuk jeba köwak wahörakzawi, mönö mianggö dop kundumgöba wahöta wehön jeñi esuhuba luhut köwaknööhök dop köl teköyök. ³ ^b Köwak mianggö uruñeyök gawötñi gawötñi mosöta gölmenöñ kañgotketka Anutunöñ kukösum enjiyök. Kukösum mi skorpion (omeqaqa) weñgöreñ kukösum tandök ewö ahök.

⁴ *Mi enjiiga Anutunöñ kewö jim kutum enjiyök, “Injini mönö gölmegö yuai görökñi gwözözak me ip mewöñi mi kude ayuhum enjimemö, ambazip mesoholjine Anutugö muñgem asöñini qahö miyök mönö mem bölim enjime.” Mewö jim kutum enjiyök. ⁵ Anutunöñ gawöt mi kukösum enjiiga ambazip enjöhögetka köñ 5:gö dop sihimbölö önöñi qahö mötket. Sihimbölö mi skorpion (omeqaqa) azi yöhöiga sihimñi mötzawi, mönö mianggö dop. Sihimbölö mewö mötketmö, Anutunöñ angön köl enjiiga mem kömum enjimeanggö kukösumñi mi gawöt weñön qahö

* 8.10 Ais 14.12 y 8.11 Jer 9.15 z 8.12 Ais 13.10; Eze 32.7; Joel 2.10, 31; 3.15 a 9.2 Jen 19.28 b 9.3 Eks 10.12-15 c 9.4 Eze 9.4

memba öne engöhöget. ^{6d}Ambazip engöhögeri, yeñon nalö miangörenj kömumbingö jarumemö, kömup mi qahö miwikñaiba kömumbingö osime. Kömumbingö möta qemjeñ qememö, kömupkö kondotkondot Toñan mönö kungen anma.

^{7e}Gawöt engekiga miñon hos yarögöra aködamunñinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ^{8f}Gawöt miengö nöröp jupñini mi gwala ambi yeñgö nöröp jup ewö aket. Gawöt jitñinan laion sömbupkö jitñi ewö aket. ^{9g}Göwañgöwañini (töptöp maluku) mi ain suman ewö tandök aket. Ginginñini qegetka ötoñ asuhui mörali, mi kewö: Hos sehisehijñi yeñon yarögö kareñi kareñi öröba luhuba binnöñ angetka giñgururuñ asuhumakzawi, mönö miangö dop.

¹⁰Dagiñini mi skorpiön (omeqaqa, añamumu) ewö jitñinambuk aket. Miñon ambazip köiñ 5:gö dop sihimbölö mötmegöra engöhögeri, miangö kukösumñan mönö gawöt dagiñine ahöm engiyök. ¹¹Gawöt miengö kiñ kembuñini mi ömewöröme yeñgö löm dutñi qahö miangö garatañi qetñi Ayuayuhu Toñi. Mi Hibru keunöñ Abadon aka Grik keunöñ Apolion.

¹²Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könangep asuhumahot. Mewö.

Suep garata 6:ñan tömunñi qainñi kun uyök.

^{13h}Suep garata 6:ñi yañon tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengöreñök kouruk kun kaiga möral. ¹⁴Kouruk miñon Suep garata 6:ñi tömunñambuk yañgöra kewö jiyök, “Anutunöñ garata 4 jöhöba gwaröhöm engiba o töwatñi ketañi qetñi Yufreitis miangö qöhöröñe al engiyöhi, mi mönö pösat engiman.”

¹⁵Anutunöñ garata 4 mi jöhöm engiba gwarönöñ tatmegö (yara) yambuñini, köiñini, silimñini aka auañini mi törörök arengöm engiiga tatket. Yeñon nalöñini mi kam kuñguiga miangöreñök ambazip kantriñi kantriñi miengö bahöñi karöbutñi mi engubingö jöjöröba tata nalöñinañgöra mambötket. Miangöra Suep garata 6:ñan altanöhök kouruk möta miangöreñök anda garata 4 mi pösat engiyök. ¹⁶Pösat engiiga yarö kambu keta bölökñi mi hosñinambuk asuhuba kaget. Nöñon jañgöñini mötpiga 200 milyön ahök.

¹⁷Jemelenj miangöreñ azi hos qakñe tata kageri, miengö kaisongolomñini ekiga kewö tandök aket: Göwañgöwañini (töptöpkö ain sumanñini) mi könöp jit pisikñi, asoñi injañkölkölñambuk aka gohotñi

^d 9.6 Job 3.21; Jer 8.3 ^e 9.7 Joel 2.4 ^f 9.8 Joel 1.6 ^g 9.9 Joel 2.5 ^h 9.13 Eks 30.1-3

salfa könöp köt ewö. Hos miengö kaisongolomņini enggekiga nöröņņini laion sömbupkö nöröp ewö aketka numbuņineyök könöp, köwak aka köt könöņjambuk qetņi salfa mi eta kayök. ¹⁸⁻¹⁹Hos yeņgö numbuņineyök könöp, köwak aka könöp köt qetņi salfa eröhi, miañön mönö ambazipņi ambazipņi engguyök. Hos miengö kukösumņini mi numbuņine aka dagiņine ahöyök. Dagiņini mi mokoleņ ewö aketka dagiņinaņgö kitipņi mi jitņinambuk. Kitipņi jitņinambuk miengön mönö ambazip ihilek ewö enggohotirimakze. Lömböt kanjamņinambuk karöbut mi mönö gölmegö ambazip pakpak yeņgö bahöņini karöbutņi mi engguiga kömuget.

²⁰Lömböt kanjamņinambuk miengön ambazip tosatņi qahö engguget kömumba toroqeba malgeri, yeņön mönö töndup uruņini qahö meleņget. Nanņini böröņinan yuai memba waikņini memba möpöseigeri, miangöra qahö möt bölim aņguget. Ömewöröme aka tandö lopioņ waikņini memba möpöseim engieņgi mi qahö mosötket. Tandö lopioņ tosatņi mi goul, silwö me brons ainöņ memeņa. Tosatņi mi köt urasiba me ip söhöba memeņa. Miangöra tandö lopioņ miengön yuai eka mötpingö me anda kabingö osimakze. Töndup ambazipnöņ mi qahö mosötket.

²¹Mewöyök ambazip engguget kömukömu me sait qarösongo amötqeqe mi qahö mosötket. Mi toroqeba aka memba serowilin aket aka yuai laņ yonņorö memba malget. Miangöra uruņini qahö meleņget. Mewö.

Suep garata aka kimbi köpep moröņi

10 ¹Miangö andöņe Suep garata kukösumņi oņgotöņgotņi kun ekiga Suepnöhök kousunöņ esuhum waņgiiga erök. Nöröņņi kiam nesilamņan kutuba liliköba ahöyök. Jemesoholņi wehön jeņi ewö aiga könaņi yahöt mi tandö könöp bölamņirambuk yahöt ewö jeba kinök. ²Böröņan kimbi köpep moröņi meiga kötükötulņi ahök. Könaņi öļņi köwetnöņ ala qaniņi mi gölmenöņ ala kinök. ³Mewö kinda laion sömbupnöņ görörökömakzawi, qetņi mönö miangö dop köhöikņanök qerök. Qeriga wölpöndaņgö giņgururuņ 7 miengön mönö meleņda görörököba keuņini qetketka möral.

⁴Wölpöndaņgö giņgururuņ 7 miengön qeta keuņini jigetka mörali, nöņön mi mönö miangöreņök papianöņ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndaņgö giņgururuņ 7 keu jizei, mi mönö nangohok ölöņ mötnöņ ahöma. Mi kude ohoman.”

⁵Suep garata könaņi köwet aka gölme qakņire tiba kini ehali, yaņön böröņi öļņi memba wahöta Suepnöņ göröken alök. ⁶Jöjöpaņ keu jimangöra böröņi mewö ala mi jim köhöiba alök. Kunöņ Suep, gölme,

ⁱ 9.20 Sum 115.4-7; 135.15-17; Dan 5.23 ^j 10.5-7 Eks 20.11; Dut 32.40; Dan 12.7; Amos 3.7-10; Eze 2.8-3.3

köwet aka yuai pakpak miengörej ahözawi, mi miwikñaiba kinda nalö dop teteköni qahö köhöiba mal öngömawi, mönö yangö qetje jöjöpañ keu kewö jiyök, “Anutunöñ mönö nalö kunbuk qahö qekörii öngöma. 7Mewö qahöpmö, Suep garata 7:ñan tömunñi qainñi kun (biugel) uiga kourukñi mötmei, nalö miangörejök Anutugö keu areñ asa-asambötñan mönö öñjambuk akña. Kezapqetok ambazip Anutugö nupñi memba mala kotketka yengöra Buña keuñi ölöpnñi jim indel enjiiga möta kota malgeri, Buña keu miangö dop mi mönö zilaj öñjambuk akña.”

⁸Miangö andöñe kouruk kun mutuk Suepnöhök mötpiga keu jiyöhi, miañön mönö dumñe kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötukötulñi ahözawi, mi mönö anda meman.”

⁹Mewö möta Suep garatagörej anda kimbi köpöp moröñi mi niñgimapkö qesial. Qesibiga nöngöra kewö jiyök, “Mi mönö memba nenöñ! Nenöña gölömgö geba melejñiga kömbuk usukömapmö, numbuge mi mönö moroñ oñangö nahömnñi ewö asuhuma.”

¹⁰Mewö jiiga kimbi köpöp moröñi mi yangö böröñeyök memba neal. Nembiga numbune moroñ oñangö nahömnñi ewö ahökmö, gwahötpi gölömgö geiga melejñiga kömbuk usuköyök. ¹¹Mewö aiga nöñön keu kewö möral, “Gi mönö dumñe kunbuk Anutugö kezapqetok keuñi keuñi jim sehiba malman. Kantriñi kantriñi aka bem isikñi isikñi keu tandök jijiñinangö dop maljei, mönö yengö aka yengö kiñ kembuñini miengö kezapqetok keuñini mi qeljiñe jiba malman.” Mewö.

Anutugö jítñememe yahötñan keuñi nangöba jiyohot.

11 ^{1k}Mewö jii möta kinbiga Suep garata miañön dop alalgö öröpnñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka miangö jöwöwöl altañi mi dop öröp (rula mesa) miañön dopñi ala oyoñman. Mewöyök miangörej öngöba Anutu möpöseiba köulukñini alakzei, mönö mi kewöta jañgöñini oyoñman. ²Jöwöwöl jike dopñi ala miangörej sambem yaigepñi mi mönö oñgita mosötman. Mi kian kantri yengöra al enjigetka ahöiga yengön siti töröñi mi köiñ 42 miangö dop tiba anda kamakñe. Miangöra sambem yaigepñangö dopñi mi kude oyoñman. ³Nöñön jítñememe yahötñi melaim etkiba keuni nangöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem anguba liliköba (gölme gwakötak ariba) silim 1260 nalö miangö dop kezapqetok keu nup memba malmahot.”

⁴Oil ip yahöt aka lambe dum tatatñi yahöt gölmegö Kembugö wösöñe kinjahori, mi mönö melejda eta asuhuba dangunu ewö kinda nöngö

^k 11.1 Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

könani nanğöba jiba malmahot. ⁵Kunöŋ me kunŋan etkum mizit ak etkimamğö mötza ewö, könöp bölamnöŋ mönö numbuŋireyök eta kerökurupŋiri eŋgohoiga ayuhumakŋe. Kunöŋ me kunŋan etkumamğö mötza ewö, i mönö köna mewöŋanök miaŋŋon qeyohot kömuma.

⁶Suepkö kousuŋi jöhöbitkö kukösumŋi mi yetköreŋ ahöiga kezapqetok keu jim sehimahori, nalö miaŋğö dop kie qahö yöhöma. Kukösumŋiran o jeŋi pakpak mewöŋanök dop köliga miaŋŋon ölop o pakpak meleŋ eŋgigetka sep akŋe. Mewöŋanök kukösumŋiran öŋgöŋgöŋi ahözawaŋgöra aka sihimŋiran jimawaŋğö dop ölop jigetka lömböt kanjamŋinambuk könaŋi könaŋi asuhuba gölme mem böliba ambazip eŋgumakŋe.

⁷Anutugö keuŋi nanğöba jim teköyohotka ömewöröme yeŋğö löm dutŋi qahö miaŋğöreŋök jemnemba kunöŋ wahöta bim qem etkiba luhut ala etkuiga kömumahot. ⁸Kömuyohotka qamötŋiri siti qetbuŋaŋambukö köna namŋe etkömosötketka laŋ ahömahot. Siti miaŋğö qetŋi tölapŋi mi Sodom aka Ijpt qerakze. Kambuŋiri Jisös i mönö mewöyök miaŋğöreŋ maripomnöŋ qegetka kömuyök. ⁹Qamötŋiran laŋ ahöyohotka ambazip pakpak mi etkehakŋe. Gölmenöŋ löm köl etkibingö jiba jöhöme. Mewö öne laŋ ahöyohotka ambazip kantriŋi kantriŋi, kambuŋi kambuŋi, bem isikŋi isikŋi keu tandökŋini nanŋik nanŋik jimakzei, yeŋŋon mönö qamötŋiri mi silim karöbut aka bahöŋi kun miaŋğö dop uba etkehiget.

¹⁰Kezapqetok azi yahöt yetkön ambazip gölme qakŋe maljei, mi uru kuŋgum eŋgiyohotka miaŋğöra sihimbölö önöŋi qahö miwikŋaiba malget. Miaŋğöra kömuyohotka qamötŋiri etkekŋei, miaŋğöreŋ mönö köiraŋ ala saureŋ unduba nem söŋgaip pati ala nanŋini kalem könaŋi könaŋi aŋgubingö alget anda kama. ¹¹Silimŋi karöbut aka bahöŋi kun mi teköiga Anutunöŋ söŋgöro ösum söŋgöroŋire ui geiga guliba wahöta köŋgep kinohot. Wahöta kinohotka ambazipnöŋ etkeka töwöratiba jönömŋini unduiga sömbuŋini mötket. ¹²Köŋgep kinohotka Suepnöhök qet köhöikŋi kun kewö qeta jii mörohot, “Injiri mönö kewö korohot.” Mewö jii möta kousu uruŋe wahöta Suepnöŋ öŋgöyohotka kerökurupŋiran öne etkeka nemböŋini teköiga kinget.

¹³Könaŋiran gölme mosöta öŋgöyohotka nalö miaŋğöreŋök kenöŋ tandökŋi sohosohöŋi gila siti bahöŋi 10% (bahöŋi tenöhök mohot) miaŋğö dop kusuba köndenmöndenök. Köndenmöndenöda ambazip 7.000 miaŋğö dop eŋgui kömuget. Ambazip qahö kömugeri, mieŋŋon mi eka töwöratiba sömbuŋini möta Suepkö bemŋi Anutu i ösumŋaŋğö möpöseim waŋgigetka qetbuŋaŋambuk ahök.

¹⁴Wölzik yei qet kanjamŋambuk yahötŋan mewö teköyökmö, mötket, wölzik yei qet karöbutŋaŋğö ölŋan mönö zilaŋ asuhuba qakŋine öŋgöma. Mewö.

Suep garata 7:ɲan tōmunɲi qainɲi kun uyök.

¹⁵ Suep garata 7:ɲi yaɲön tōmunɲi qainɲi kun (biugel) uyök. Mi uiga Suepnöɲ keu köhöikɲanök eraum mötketka kourukɲini mötpi kewö jiget, “Ayop, nanine Kembunini aka yaɲgö Amötqeqe Toɲi Kraist yetkөн mönө gölme pakpak galöm köl eɲgibitkö kukösumɲi mi lökɲanök buɲa qem aɲgum teközahot. Yaɲön mönө nalöɲi nalöɲi galöm köl eɲgiba malma, ee-aa-ee. Galömkölkölɲan mönө nalö kunöɲ qahö teköma, ee-aa-ee.”

¹⁶ Mewö jiget mötpiga Anutugö jitɲememe 24 Anutugö jemesoholɲe jakömbuak dumɲine tatzei, yeɲön mönө eta bamgöba sipköba Anutugö waikɲi memba möpöseim waɲgiget. ¹⁷ Möpöseim waɲgiba kewö jiget,

“O Kemu Anutu kukösum pakpakö Toɲi, göɲön mönө mala kotnöɲ aka mal köhöizan.

Göɲön kukösumgi öɲgöɲgöɲi memba könahiba gölme pakpak galöm köl eɲgiba kiɲ kemuɲina aka malman.

Miaɲgöra neɲön mönө möpöseiba saiwap jim gihizin.

¹⁸ Kian kantriɲi kantriɲi yeɲön irimɲini seholiiga kazik ak gihiba malgetmө, göhö kazik nalögan mönө dölkewöɲe kam kuɲguba ahöza.

Göɲön nalö kewöɲe kömukömuɲi yeɲgö keuɲini kewöta jim teköm eɲgiman aka nangi ambazipurupki töwaɲini eɲgiman.

Kezapqetok ambazip aka ambazip sarakɲi tosatɲi göhö nupki memba malgeri aka öɲgöɲgöɲi eretɲi göhö qetki ayuhubapukö keɲgötɲini möta malgeri, i mönө töwaɲini eɲgiman.

Mewöyök tosatɲan ambazip eɲguba kantri köndeɲda malgeri, mi mönө köndeɲ eɲgiman.” Mewö möpöseiba jiget.

¹⁹ Miaɲgö andöɲe Suepnöɲ aɲaɲiiga Anutugö möpömöpösei jikegö (tempöl) nanɲunan tali ekiga jike uruɲe Anutugöreɲ jöhöjöhö areɲ bokis aködamunɲambuk miaɲön ehəkɲi ahöyök.^m Suepnöɲ aɲaɲiiga nalö miaɲgöreɲök wölbilik aliga wölpöndaɲ aka ɲiɲgururuɲ qeriga möral. Kourukɲi kourukɲi mi mötpiga kenöɲ memba kie römbum giliga ais kötɲi ketaɲi ketaɲi etket. Mewö.

Ambi aka sekak namɲi ilikɲambuk

12 ¹ Suepnöɲ aiwesök ketaɲi wewelipɲambuk kun kewö asuhuiga ehal: Ambi kun wehön jeɲan malukuɲi aiga köiɲnöɲ köna tamböɲi baɲɲe asariiga seɲgelau 12 mi ila jalö ewö nöropɲe kölgetka

¹ 11.15 Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

^m 11.19 Anutugöreɲ jöjöpəɲ keu 10 aka jimkutukutu tosatɲi mi köt ilaɲan ohoba bokis miaɲgö uruɲe alget tari galöm kölakze.

gömgöm-bilikbilikjinambuk tatket. ²Körönjambuk (gölömñambuk) mala morö memeñangö nalöñan dopdowiiga lömböriiga masö qeiga sihimbölö möta qet gigilahöyök.

³Miañgö andöñe aiwesök kun Suepnöñ kewö asuhuiga ehal: Sekak namñi ilikñambuk (dragon), mundañi pisikñi pötpöt, nööröñi 7 aka ilikñi 10. Nööröñi 7 miañgöreñ ila jalö 7 kölgetka tarök. ⁴Sekak namñi miañön dagañan suep qeapköba señgelau miengöreñök bahöñi karöbutñi öröba gili gölmenöñ etket. Etketka ambi nanñi morö memamgö ahöhi, yañgö wösöñe kinök. Mewö kinda moröñi memawi, mi mönö miañgöreñök gwahötmamgöra mörök.

⁵Ambi miañön morö nahön azia meyök. Yañön kantriñi kantriñi pakpak ain öröpnöñ galöm köl engiba malma. Ambinöñ morö meyöhi, garatanöñ mi mönö miañgöreñök zilañ memba anda Anutugö jakömbuak dum qöhöröñe alök. ⁶Miañgöreñ aliga ambinöñ nanñök mosöta kök ala anök. Anutunöñ ambi mi silim 1260 miañgö dop gölme qararañkölkölñe köyan köl wañgiget malmapköra miri gölme kun möhamgöiga miañgöreñ kök ala anök.

⁷Suep uruñe yarö juliga kewö auget: Suep garata bohonñi Maikel aka yañgö garataurupñi yeñön sekak namñi tuarenjoñ aka i aka yañgö garataurupñi yembuk auget. ⁸Auba sekak namñi aka yañgö garataurupñi yeñgö ösumñini qahö dop kölga luhut qahö al engiba miriñini mosöta Suep uruñe toroqeba malbingö osiget. ⁹Osigetka sekak namñi ilikñambuk mi mönö közöla Suepnöhök wuatangöget. Sekak namñi miañön möpñangö möpñeyök mokoleñ aka Iw (Ewa) isim wañgiyök. Qetñi alañi Bölöñangö Toñi aka Satan. Yañön kantriñi kantriñi pakpak kuñgum engiiga jañjuñ anda malgeri, mi aka yañgö garataurupñi mi mönö yambuk Suepnöhök közöla aköm engigetka gölmenöñ etket.

¹⁰Etketka Suepnöñ qet ketañi kunöñ kewö jii möral, “Keu silenöñ alal Toñan suñgem asak Anutuninañgö wösöñe kinda urumeleñ alaurupnini jim engiba malöhi, mi mönö yaköriba aköm wañgigetka yaigep eriga köirañ köljin. Nanine Anutuninan mönö nalö kewöñe ambazip amöt qem engiba kukösumñi qakñe galöm köl engiiga bemtohoñangö öññan lök asuhuza. Amötqeqe Toñangö ösum-mumuñan lök asuhum teköza. ¹¹Yañön mötnarip alaurupnini keunöñ al engiba malökmö, Toñi mi mönö kewö luhut al wañgiget: Lama moröñangö sepñan i amöt qem engiiga köhöiba Buña keu ölbölñi nañgöba jim sehiba malget. Mewö mala jöjöröba sileñini tököba böñ kinda bim qeba luhut alget.

¹²“Miañgöra Suep mire maljei, eñön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, iñini

ⁿ 12.3 Dan 7.7 ^o 12.4 Dan 8.10 ^p 12.5 Ais 66.7; Sum 2.9 ^q 12.7 Dan 10.13, 21; 12.1; Jud 9 ^r 12.9 Jen 3.1; Luk 10.18 ^s 12.10 Job 1.9-11; Zek 3.1

mönö lömböt kanjamꞋambuk bisimei, miaꞋgöra mönö Yei! jiba sahötzal. BölöꞋaꞋgö ToꞋan luhuba eta tiba eꞋgöreꞋ kaba nup meme nalöꞋi töꞋöꞋtöꞋkꞋi ahöi mötzaꞋaꞋgöra mönö kazik ketaꝼi ahakza.”

¹³ Sekak namꝼi ilikꝼambuk yaköꝼriba aköm waꝼgigetka gölmenöꝼn eꝼöhi, mi ek asariba ambi morö nahön meyöhi, mi kazik ak waꝼgiba wuatꝼaꝼgöyök. ¹⁴ “Wuatꝼaꝼgöyökmö, ambinöꝼn kök aliga Anutunöꝼn tukapkap ketaꝼaꝼgö ginginꝼi yahöt waꝼgiiga miaꝼn bölbölgöba ösumꝼan anök. Anutunöꝼn gölme qararaꝼkölkölꝼe yaꝼgöra miri gölme kun möhamgöyöhi, mönö miaꝼgöreꝼn anök. Miaꝼgöreꝼn anda asamböta maliga (yara) yambu 3 aka bahöꝼi kun mi köyan köl waꝼgigetka mokoleꝼnöꝼn i qahö miwikꝼaiba qelaꝼjima. ¹⁵ Ambinöꝼn bölbölgöba aniga mokoleꝼgö irimꝼi teköiga numbuꝼeyök ambigö andöꝼe o gwaulu suaiiga o töwatꝼi ahök. O miaꝼn ambi mi yöhsaꝼda memba jöhöm waꝼgimapaköra möta mewö söwötköba löꝼnök.

¹⁶ Mewö löꝼnökmö, gölmenöꝼn ambi mi bauköm waꝼgiba tiꝼgiriga löm ahök. Sekak namꝼan numbuꝼeyök o suaiiga o töwatꝼi ahöhi, miaꝼn mönö löm miaꝼgöreꝼn geba jöpköba qahöwahök. ¹⁷ Mewö asuhuiga sekak namꝼaꝼgö irimꝼi mönö ambi miaꝼgöra aka seholiiga mosöta ambi miaꝼgö gwölöꝼnarökurupꝼi tosatꝼi qetala yarö gil eꝼgimamgöra anök. Gwölöꝼnarökurupꝼi mieꝼn Anutugö jöjöpꝼ keu tem köla Jisösgö Buꝼa keu töp naꝼgöba jim sehimakzei, mönö yembuk karim aubingö anök. ¹⁸ Aubingö anda köwet sakꝼe aꝼgota kinök. Mewö.

Jemnemba köwetnööhök korök.

13 ¹ “Miaꝼgö andöꝼe jemnemba kun ilikꝼi 10 aka nöꝼöpꝼi 7 mi köwetnööhök koriga ehal. Ilikꝼi 10 miaꝼgöreꝼn ila jalö 10 kölgetka tatket aiga nöꝼöpꝼi mohot mohot miaꝼgöreꝼn qet mepaqepaikꝼinambuk ohogetka ahöyök.

² Jemnemba mi ekiga kewö ahök: Kaisöꝼgolomꝼi mi lepad taigögö tandök ewö ahök. Köna böꝼöꝼaꝼgö sölöꝼi mi beö sömbupkö sölöꝼ ewö ahök. Numbuꝼi mi laion sömbupkö numbuꝼi ewö tandök. Sekak namꝼan mönö ösumꝼi, jakömbuak dumꝼi aka ambazip galöm köl eꝼgimapakö kukösumꝼi öꝼgöꝼgöꝼi mi jemnemba waꝼgiyök. ³ Waꝼgiiga nöꝼöpꝼi kun mi uzi köhöikꝼi kunöꝼn mei kömumawaꝼgö dop ahökmö, uziꝼan misiriiga löpötꝼanök tarök. Gölmegö ambazip körek pakpak yeꝼn auruba jemnemba mi andöꝼe wuatꝼaꝼgöba anget. ⁴ Wuatꝼaꝼgöba anda sekak namꝼaꝼgö waikꝼi memba möpöseiba malget. Kukösum mewöꝼi mi jemnemba waꝼgiyöhaꝼgöra i aka jemnembagö waikꝼi mewöꝼanök memba möpöseiba kewö jiget, “Daꝼn jemnembagö dop akawak? Daꝼn i tuareꝼnöꝼ ak waꝼgiba yambuk aumamgö köhöibawak?”

¹ 12.14 Dan 7.25; 12.7 ² 13.1 Dan 7.3; Ind 17.3, 7-12; Dan 7.4-6

⁵Mewö jigetka Satanön jemnembagö numbuñi sölölöhöiga köhöiba jakbak-örañborañ qakñe mepaqepaik keuñi lañlañ jiba malök. Anutunöñ Satan qahö añgön köliga ilitmamgö kukösümüñi mi köiñ 42 miañgö dop ahöm wañgimapköra jim teköyök. ⁶Mi jim teköiga numbuñan añañjiiga Anutu ilita malök. Anutugö qetñi, Suep miriñi aka Suep uruñe maljei, mi pakpak mönö mepaqepaik ak eñgiba malök. ⁷Mewö maliga Satanön ambazip sarakñi tuarenjoñ ak eñgimamgö kukösümüñi wañgiiga yembuk bim auba luhut al eñgiyök. Luhut al eñgiiga Satanön ambazip isikñini pakpak kambuñinañgö dop, keu tandökñinañgö dop aka kantriñinañgö dop mi mönö jemnembagö böröñe al eñgiyök.

⁸Ambazip körekmaköreka gölmenöñ maljei, yeñön mönö jemnembagö waikñi memba möpöseiba malme. Anutugö ambazip solañji qetñini Suep mire papianöñ ohoget ahözawi, yeñönök mönö jemnemba mi qahö möpöseime. Möpñañgö möpñe Anutunöñ Suep gölme miwikñaim etkiyöhi, nalö miañgöreñök könahiba qetñini mi malmal köhöikñañgö papia miañgöreñ ohoba mala kotket. Malmal papia mi Lama moröñi qeget kömuyöhi, mönö yañgö buñañi ahöiga galöm kölakza.

⁹“Kunñan kezapñambukñöñ malja ewö, yañön mönö keu ki kezap ala möt kutuma! ¹⁰“Kun kösö mire anmawañgö dop akzawi, yañön mönö miañgöreñ anma. Kun bimgö sou ketañan ugetka kömumawañgö dop akzawi, yañön mönö mewö kömuma.”^z Miañgöra ambazip sarakñi, eñön mönö kapañ köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹Kunbuk ekiga jemnemba kun gölme uruñeyök korök. Mi ilikñi yahöt Lama moröñañgö ilikñi ewöya aka keuñi mi sekak namñi ilikñambukñöñ jiyöhi, mönö mewöñanök jiba malök. ¹²Yañön kota alañi mutukñañgö jitñememeñi aka kukösümüñi pakpak memba miañön yuai pakpak alañañgö jeñe ahök. Mewö aka gölme ambazip kuñguba sölölöhöm eñgiiga auruba alañi mutukñañgö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

¹³Jemnemba yahötñi yañön añgöletot ketañi tandökñi könañi könañi meyök. Kun meyöhi, mi köñöp bölamñöñ suepñöhök eta gölmenöñ kaba jeiga ambazipñöñ mi jeñinan eket. ¹⁴Anutunöñ Satan qahö añgön köliga kukösümüñi wañgiiga jemnemba mutukñañgö jitñememeñi aka yañgö jeñe añgöletot könañi könañi memba malök. Miañön mönö gölmegö ambazip

^v 13.5-6 Dan 7.8, 25; 11.36 ^w 13.7 Dan 7.21 ^x 13.8 Sum 69.28 ^y 13.10 Jer 15.2; 43.11

^z 13.10 Tosatñan keu mi kewö melenje: Kunön bimgö sou ketañi (bainat) miañön tosatñi eñguiga kömumei, tosatñan mönö nanñi mi sou mewöñan ugetka kömuma.

tilipköm enjiiga janjuj aka sohoget. Sohogetka kewö kuŋguba jim kutum enjiyök, “Inini mönö jemnemba mutukŋangö imutŋi söhöba kuŋguget kiniga göda qem waŋgiba malme. Jemnemba mutukŋi mi bingö sou ketaŋan (bainat) qegetka uzi mei kömumamgö dop ahökmö, töndup guliba maljawi, mönö yaŋgö imutŋi kuŋgume.”

¹⁵Mewö aketka Satanöŋ kukösum jemnemba könangeŋpi waŋgiiga tandö lopioŋ mi mem gulim waŋgiiga könahiba söngörö-ösüm alök. Mewöyök jemnemba mutukŋangö imutŋi mem letoriga azi keu jiba ambazip kuŋgum enjiiga kewö asuhuyök: Denike yeŋön tandö lopioŋ miaŋgö waikŋi qahö memba möpöseigeri, i mönö körek enjugetka kömuget. ¹⁶Jemnemba könangeŋŋan ambazip körek pakpak kewö kuŋgum enjiba jiyök, “Inini mönö jemnemba mutukŋangö muŋgem supapŋi mi jemesoholŋine me böröŋini ölŋe mekötahöme.” Mewö jiiga nanŋini nupŋini memakzei aka toŋinangö welenŋini öne qemakzei, ambazip pomŋi aka wanapŋi, ketaŋi aka moröŋi yeŋön mönö körekmakökrek muŋgem supapŋi mi memba sileŋine mekötahöba kösöget.

¹⁷Denike yeŋön jemnembagö qetŋi me qetŋangö jaŋgöŋi sileŋine qahö memba malgeri, yeŋön mönö nene yuai stuanöŋ me maketnöŋ söngöröŋi memingö aka albingö osiget.

¹⁸Keu ki möt asaribingö mötkutukutuŋi kewö: Kunŋan mötkutukutuŋambuk maljawi, yaŋön mönö jemnembagö jaŋgöŋi oyoŋma. Jaŋgöŋi mi gölme azigö jaŋgöŋi akza. Supap jaŋgöŋi mi 666. Mewö.

Lama moröŋi aka könagesöurupŋi 144.000.

14 ¹“Miaŋgö andöŋe uba Lama moröŋan Zaion kunduje kini ehal. Yambuk könagesöurupŋi jaŋgöŋini 144.000 mi mohotje kingetka Lama moröŋangö qetŋi aka yaŋgö iwiŋangö qetŋi mi körek yeŋgö mesoholŋine ohohoŋa ahöi engehal. ²Miaŋgöreŋök mötpiga Suepnöhök kouruk kun o ketaŋangö sia qetŋi ewö asuhuyök. Mi wölpöndaŋ giŋgururuŋ ketaŋanök qetzawaŋgö kourukŋi miaŋgö tandök ewö ahök. Kourukŋi mi gita kulele gwötpuk qegetka kourukŋi asuhumakzawaŋgö dop möral.

³Anutunöŋ ambazip 144.000 mi gölmenöhök söngöröŋini memba enjömeyöhi, yeŋön mönö Anutugö jakömbuak dum wösöŋe kaŋgota bem jembon 4 aka jitje meme bohonŋi 24 miengö jemesoholŋine kinda liŋet dölökŋi kölget. Körek yeŋön nanŋini liŋetŋini mi kölgetka yaigep yeŋön mi kusum aŋguba mötpingö osiget. ⁴Yeŋön ambazip qainŋi kun aka mala kotket. Qahö tölohoba sarakŋi malbingöra nanŋini galöm köl aŋguba ambi yembuk töwöt qahö miwikŋaiba malget. Lama moröŋan

^a 14.1 Eze 9.4; Ind 7.3

denike denike anakzawi, yejñon mönön i wuatangöba miañgören anakze. Anutunöñ i ambazip sutñineyök bohonñini memba meköba engömeiga Anutu aka Lama morönji yetkö yambuñiri dölökñi akze. ⁵ Yengö jitñineyök muneñ keu kun qahö miwikñaigetka keuñini qahö sarakñi mala kotket. Mewö.

Suep garata karöbut yejñon keuñini jiba bölbölgöget.

⁶ Miañgö andöñe Suep garata kun ekiga suep kutuba könakemba bölbölgöyök. Yañon Ölöwak Buña koñkoñ^c memba kaba gölme ambazip yeñgöra jim asarimamgöra kayök. Ambazip mi kambuñinañgö dop, bem isikñinañgö dop, keu tandökñi jijiñinañgö dop aka kantriñinañgö dop gölme dop köla tat anjei, mönön körek yeñgöra jim sehimamgöra kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm eñgimawañgö nalöñan mönön töriba dopdowiza. Miañgöra iñini mönön Anutugö jitiñi oñgitpinbuköra keñgötñini möta möpöseiba qetbuñañi mem sehime! Kunöñ suep, gölme, köwet aka o jeñi miwikñaim eñgiyöhi, mönön yañgö waikñi memba möpöseiba malme.”

⁸ ^d Mewö qeriga yañgö könañe Suep garata alañi kun mutukñi wuatangöba kaba kewö qerök, “Babilon siti ketañi mi meleñni geiga ahöza. Babilon ambi qetbuñañambuk miañon mönön serowilin aka miañon kantri pakpak mem tölohom eñgiiga dop köl eñgiyök. Yañon wain o ewö nemegöra eñgiiga uruñini sohoiga kahalalom aka malget. Mewö aka malöhañgöra Anutugö irimñi seholiiga kazik aka jiiga siti qetbuñañambuk mi mönön köndengetka meleñni gei ahöza.” Mewö.

⁹ Mewö qeriga yañgö könañe Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yañgö imutñangö waikñi memba möpöseiba muñgem supañi añgön köla mesoholñe me böröñe mekötahöba kösöza ewö, ¹⁰ e yañon mönön mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhöñambuk qahö mindiriba wain köhöikñi töhöñök irimsesewölñangö qambinöñ mokoi tatzawi, yañon mönön mi nema. Mi nemba Suep garata törönji aka Lama morönji yeñgö wösöñine kiniga salfa kötkö könöp bölamñan koasikpuk ohoiga sihimbölö önöñi qahö möta malma.

¹¹ ^f“Miañon eñgohoiga sihimbölö önöñi qahö möta malmei, miañgö köwakñan mönön nalö dop teteköñi qahö wahöta öñgömakña. Ambazip jemnemba aka yañgö imutñangö waikñi memba möpöseimakzei, yeñon mönön suñgem asak senjom möta malme. Kunñan muñgem supañi añgön

^b 14.5 Sef 3.13 ^c 14.6 Kembu bem koñkoñ Toñangöören Buña keu tömbuñi mi koñkoñ. Mi möpñangö möpñeyök könahiba teteköñi qahö ahöm öñgöma. ^d 14.8 Ais 21.9; Jer 51.8; Ind 18.2 ^e 14.10 Ais 51.17; Jen 19.24; Eze 38.22 ^f 14.11 Ais 34.10

köla sileŋe kösözawi, yaŋön mönö silerjan unduiga qemjeŋ qeba luhut memangö osiba malma.”

¹²Miaŋgöra ambazip sarakŋi Anutugö jöjöpäŋ keuŋi tem köla wuatangömakzei, eŋön mönö kapaŋ köla lömböt memba mökösöŋda Jisös pöndaŋ möt nariba malme.

¹³Miaŋgö andöŋe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöŋeyök könahiba kömumei, yeŋön mönö oyaenköyaen akŋe. Uŋa Töröŋan keu kitipŋi mi meköba ‘Keu mi ölja,’ jiza. Yeŋön nup köhöikŋi memba qemjem-mamjeŋ möta kaba malget teköiga nupŋinaŋgö öŋŋi asuhuiga Suep Toŋan kösohotŋini möri dop köli miaŋgöra sösöŋgai eŋgii tata luhut memba öŋsöŋ malme.” Mewö.

Gölmegö nene möriam öŋŋi memegö nalöŋi

¹⁴Mewö jiiga uba kousu tuatŋi ekiga miaŋgö qakŋe kun kaisöŋgolomŋi gölme azigö tandök ewö miaŋön tarök. Ila jalö goulnöŋ memeni mi nööröŋe tariga böröŋan sou kapeŋkapeŋgöŋi jitŋambuk mi memba tarök. ¹⁵^hMi ekiga Suep garata kunŋan möpömöpösei jikenöhök (tempöl) aukŋe kaŋgota kousu qakŋe tatzawi, yaŋgöra keu kewö jiba köhöikŋanök qerök, “Gölmenöŋ möriam öŋŋi lök öliiga öŋŋi memegö nalöŋan mönö akza. Miaŋgöra göŋön mönö sougi kapeŋkapeŋgöŋi memba nupnöŋ anda miaŋön gölmegö möriam öŋŋi mi kutum tokoman.” ¹⁶Kousu qakŋe tatzawi, yaŋgöra mewö qeriga souŋi kapeŋkapeŋgöŋan gölmenöŋ gila nupkö möriam öŋŋi kutum tokoyök.

¹⁷Mi tokoiga Suep garata kunŋan Suepkö möpömöpösei jikenöhök (tempöl) aukŋe kaŋgorök. Yaŋön mewöyök sou kapeŋkapeŋgöŋi jitŋambuk kun memba kaŋgorök.

¹⁸Kaŋgoriga Suep garata karöbutŋi kun Suepkö altagö könöp galömŋi aka alta mi mosöta kaŋgorök. Kaŋgota köhöikŋanök qeta Suep garata sou kapeŋkapeŋgöŋi jitŋambuk memba kinöhi, yaŋgöra kewö jiyök, “Göŋön sougi kapeŋkapeŋgöŋi jitŋambuk mi mönö memba nupnöŋ anda miaŋön gölmegö wain kaŋgeŋi kaŋgeŋi mi yandiman. Kaŋgeŋ miengö kötŋi lök ölim yaköba tatze!”

¹⁹Mewö jiiga souŋi kapeŋkapeŋgöŋi gölmenöŋ gila gölmegö wain kösö öŋŋi mi köteköm tokoba Anutugö wain jout ketaŋi miaŋgöreŋ tözöhölmegöra gilök. Wain jout mi Anutugö irimsesewölŋaŋgö kaisöpsöpŋi akza. ²⁰^jWain bagem öŋŋi mi siti yaigepŋe könanöŋ tiba tözöhölgetka sepŋan wain jout ketaŋaŋgö numbuŋe kota qöl tandök ewö

^g 14.14 Dan 7.13 ^h 14.15 Joel 3.13 ⁱ 14.19 Anutugö irimsesewölŋi mi wain jout ketaŋe tözöhölgetka uruŋan amöriba teköma. Indelindel 19.15 mi ekŋan. ^j 14.20 Ais 63.3; Seru 1.15; Ind 19.15

lanjan wahöta kota o töwatji ahök. Sep miangö diginji mi wan mita aka bahöji kun ahök. Hosnöj miangörej tiba aniga numbuje koriga hos injutjanjö kösöjan samuruyök. Diginji mewö aiga köröpji 300 kilomita miangö dop ahök. Mewö.

Suep garata 7 aka lömböt kanjamjinambuk 7.

15 ¹Miangö andöje suep uruje uba angöletot ketanji kun asuhuiga eka kewö welipköyal: Suep garata 7 mi lömböt kanjamjinambuk (plague) 7 memba kinget. Ambazip sinjisöndokjinangöra Anutugö irimji seholiiga jim teköba likepji melejni lömböt kanjamjinambuk qakjine öngöi mötketka urujan amöriiga keujinan kömuma. Miangöra qetjini lömböt kanjamjinambuk qöndökji 7 qetket.

²Mi eka yuai gilikbilikjambuk köwet ewö ekiga könöp bölamjambuk lolonqalön ahöyök. Miangö qöhöröje Anutugö ambazip kingetka engehal. Yejön luhut ala jemnembagö keuji qahö tem köla imutjanjö waikji qahö memba qetjanjö janjöni silejine qahö angön köla malget. Anutunöj i mohot mohot kulele enjiiga memba kinget. ³^kMiangörej kinda Anutugö nup meme azi Mosesgö lijetji aka Lama moröjanjö saurej lijetji mi kewö kölget,

“O Kembu Anutu kukösum pakpakö Tonji, göjön angöletot ketanji ketanji welipjinambuk ahakzan.

Göjön kantriñi kantriñi mi kiñ kembu ak enjinönga ahakmemegahö könañi mi diñdiñi aka öl töhöñji akza. Miangöra Anutu qainji kun aka maljan.

4 O Kembu, göhörej ahakmemegi diñdiñi mi mönö aukje asuhuiga mötzin.

Miangöra kantri pakpak yejön kaba göhö waiki memba möpöseim gihimakze.

Göjön nangok töröñi akzan. Miangöra aka danön mönö göhöra keñgötji qahö mötpawak? Körek nejön göhö qetbuñagi mem sehiba möpöseimakzin.”

⁵^lMiangö andöje uba yuai kewö ehal: Suepkö möpömöpösei jikegö (tempöl) nanujan taliga miangö uruje Anutu dangunujanjö opo seri jikeñan kini ehal. ⁶Möpömöpösei jike miangörejök Suep garata 7 lömböt kanjamjinambuk 7 memba kingeri, yejön mönö eta aukje kaget. Malukujini tuat lalamji bilikbilikjinambuk löngötketka opo jöhan manjihilakñi gouljambuk mi örigit ewö töptöpje embahöm anguba kinget.

⁷Yejön kagetka bem jembon 4 miengörejök kunjan goul qambi 7 enjiiga Anutugö irimesewöljan qambi mi numbuje kotket. Anutu

^k 15.3 Eks 15.1; Jer 10.7; Sum 86.9 ^l 15.5 Eks 38.21

irimŋi seholizawi, yaŋŋon mala kota malja aka teteköŋi qahö mal öŋgöma. ⁸Qambi mi enŋiiga Anutunöŋ asakmararaŋi aka kukösumŋi kondeliga miaŋgöra köwak pukpuköba möpömöpösei jike (tempöl) kokolak qeiga kunŋan kun Suep jike mi öŋgö-öŋgögö dop qahö ahök. Suep garata 7 yeŋŋon mutuk qambiŋini mokogetka lömböt kanjamŋinambuk 7 asuhuba öŋŋinambuk akŋei, miaŋgö andöŋe ölop kunbuk öŋgöme. Mewö.

Qambi 7 mokogetka Anutugö irimsesewölŋan asuhuyök.

16 ¹Möpömöpösei jike (tempöl) uruŋeyök qet ketani kun asuhiiga Suep garata 7 mieŋgöra keu kewö jim kutuiga möral, “Inini anda Anutugö irimsesewölŋan qambi 7 numbuŋe kota ahözawi, mieŋgö öŋŋi mönö gölmenöŋ mokome.”

²Suep garata mutukŋan mosöta anda qambiŋaŋgö öŋŋi mi gölmenöŋ mokoyök. Mokoiga uzi imbilonŋonambuk sihimbölöŋini tandökŋi sohosohoŋi mi qegetal ambazip yeŋgö sileŋine asuhuget. Ambazip jemnembagö muŋgem supapŋi sileŋine memba imutŋaŋgö waikŋi memba möpöseigeri, mönö yeŋgö sileŋine asuhuget.

³Yahötŋi yaŋŋon mosöta anda qambiŋaŋgö öŋŋi mi köwetnöŋ mokoyök. Mokoiga köwetnöŋ melenŋa sep ahök. Mönö azi qeŋeŋaŋgö seŋŋi ewö ahök. Mewö aiga köwet uruŋe yuai pakpak malmalŋinambuk maljei, mi mönö lökŋanök kömum teköget.

⁴Suep garata karöbutŋan qambiŋaŋgö öŋŋi mi o töwatŋi aka o jeŋi miaŋgöreŋ mokoiga melenŋa sep aka dop kölök. ⁵Mewö aiga Suep garata o galöm kölakzawaŋŋon keu kewö jiiga möral, “O Anutu töröŋi, göŋŋon keu kewöta kewö jim tekönöŋga lömböt ki asuhuzawaŋgöra diŋdiŋi akzan. Mönö solanŋi mala kota maljan. ⁶Yeŋŋon göhöreŋ ambazip sarakŋi aka kezapqetok ambazip enŋguba malgetka seŋŋinan mokoyök. Göŋŋon i enŋguraŋgö likeŋŋi melenŋa sep enŋinöŋga negeri, mi mönö dopŋe alnöŋga qakŋine öŋgöyök. Miaŋgöra Anutu göŋŋon mönö diŋdiŋanök akzan.”

⁷O galöm kölakzawaŋŋon mewö jiiga keu kun altanöhök kewö kaiga möral, “Keu mi öŋŋa! O Kembu Anutu kukösum pakpakö Toŋi, göŋŋon mönö ambazip keuŋini kewöta diŋdiŋanök jim teköm enŋgimakzan.”

⁸Suep garata 4:ŋan qambiŋaŋgö öŋŋi mi wehön jeŋe mokoiga miaŋŋon wehön ösum waŋŋiiga könöŋŋi kötökŋi aka ambazip könöŋ ewö enŋgohoyök. ⁹Wehön jeŋi könöŋŋambuk miaŋŋon enŋgohoiga sileŋini dölatiyök. Anutunöŋ lömböt kanjamŋinambuk mieŋgö Toŋi aka ali qakŋine öŋgöyöhi, ambazipnöŋ mi möta miaŋgöra Anutugö qetŋi jim qesuahöm waŋgiba malget. Mewö malgetmö, Anutu möpöseiba qetbuŋaŋi

^m 15.8 Eks 40.34; 1 Kiŋ 8.10-11; 2 Hist 5.13-14; Ais 6.4 ⁿ 16.2 Eks 9.10 ^o 16.4 Eks 7.17-21; Sum 78.44; Eks 10.21

mem sehimegöra mönö uruñini qahö melengetmö, toroqeba yañgiseñ aka malget.

¹⁰Suep garata 5:ñan qambiñangö ölni mi jemnembagö jakömbuak dumnöñ mokoyök. Mianğöreñ mokoiga söñaup ketañan jemnembagö ömetohöñi (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹Ambazipnöñ sihimbölö aka uzi nömböñinangö sihimbölöñi ketañi möta mianğöra Suepkö Anutuñi mi jim qesuahöm wañgiba malget. Mewö malgetmö, ahakmemerñini bölöñi aka memba malgeri, mi qahö kewöta mosöta uruñini qahö melenget.

¹²^pSuep garata 6:ñan qambiñangö ölni mi o töwatñi ketañi qetñi Yufreitis mianğöreñ mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñön o jöpköiga kunbuk qahö pañpañgögetmö, kutuba kamegö könañi mönö asuhuyök. ¹³Mianğöreñök uba öme bölöñi karöbut tandökñini kañ ewö mi eñgekiga sekak namñi ilikñambuk, jemnemba aka kezapqetok azi takapulakañi yeñgö numbuñineyök kota etket. ¹⁴Ömewöröme mieñön eta anda añgöletotñi könañi könañi ahakze. Mewö aka gölmeñi gölmeñi pakpak liliköba kiñ kembuñini eñgeka Anutu tuarenjöñ akñegöra uruñini kuñguba kewö jiget, “Mönö mindirim añguba Anutu kukösum pakpakö Toñangö nalö ketañe mohotñe bim aubin.”

¹⁵^qJisösnöñ jiza, “Kezap alget! Nöñön mönö yoñgorö meme ewö ölöñ kamam! Kunñan uruguliguli malmawi, yañön mönö simbawoñ akza. Sile aukñe lañ anda kaiga gamuñi ekepeköra sile esuñi galöm kölakzawañön mönö oyaeñkoyaeñ akña.”

¹⁶^rÖme welenqege yeñön kiñ kembuñi kembuñi mi kuñguba eñguañgita gölme köröñi qetñi Hibru keunöñ Armagedon jizei, mianğöreñ qezaköba al eñgigetka eñgehal. Mewö.

¹⁷Suep garata 7:ñan qambiñangö ölni mi könakemba mokoyök. Mokoiga möpömpösei jike (tempöl) uruñangö jakömbuak dumñeyök qet ketañi kun asuhaba keu kewö kaiga jiyök, “Mi lök mokogetka asuhum teköza.” ¹⁸^sMewö jiiga mianğöreñök wölbilik aiga wölpöndañ giliga giñgururuñ qeta ahöiga kenöñ jitñi buburatiñi kun meyök. Iw (Ewa) Adam yetkö nalönöhök könahiba gölmenöñ mala korini, nalö mianğöreñ kenöñ mewöñi kun qahö gilgilña. Mianğö dop tandökñi sohosohöñi giliga bölöñi kötökñi ahök.

¹⁹^tMewö asuhuiga siti ketañi Babilon mianñön jula bahöñi karöbut aket aiga kantriñi kantriñi pakpak mieñgö sitiñini mi mewöñanök ayuhaba meleñni geget. Anutunöñ siti qetbuñañambuk Babilon mieñgö

^p 16.12 Ais 11.15 ^q 16.15 Mat 24.43-44; Luk 12.39-40; Ind 3.3 ^r 16.16 2 Kij 23.29; Zek 12.11 ^s 16.18 Ind 8.5; 11.13, 19 ^t 16.19 Ais 51.17; Ind 6.14

bölöjamnjini qahö ölum qeiga likepjamnjini melej enjiyök. Anutunöj urukönöp aka irimsesewöljan qambi kokolak qeba taröhi, mi mönö mokom enjiiga qakjine öngöiga wain o ewö neget. ²⁰Köwetnöj gölme jölanji pakpak ahögeri, mi mönö kök ala sömuniget aiga kundunji kundunji kingeri, mi mönö mewöjanök ayapköba qahöwaket.

²¹"Mewö asuhuiga ais kötji ketaji lömbötjini 45 kilogram miejön suepnöhök ambazip qakjine erök. Lömböt kanjamjambuk mi tandökji sohosohoji ahök. Kie kötji tandökji mewö mianjön eta enjiiga ambazipnöj mianjöra Anutu jim qesuahöm wanjiget. Mewö.

Ambi kunöj jemnembagö qakje tari ehal.

17 ¹Suep garata 7 qambi 7 mi memba kingeri, yejgörenök kunjan kaba nöjgöra keu kewö jiyök, "Gi mönö kanöjga köna ketajanjö gö ambi qetbujanambuk o gwötpuk miejgö qakjine tatzawi, mi kondel gihimam. Anutunöj keuji kewöta likepji melejni qakje öngöi malja. ²"Gölmegö kin kembuji kembuji yejön yambuk serowilin aka malget. Könagesöjninan gölmenöj maljei, yejön mönö mewöyök ambi mianjö serowilinjanjöra aka urujini wahöta sohoiga kahalalom aket. Wain o nempa enjololoj ahakzei, mönö mianjö dop könahiba sero yonjorö aka mala kahapmahap aket."

³Mewö jiiga Uja Töröjan nömeiga alburupjan qakne öngöiga Suep garata mianjön noanjiriga gölme qararankölkölje anjoral. Mianjörej anjota ambi kun jemnemba pisikji pötpöt yanjö qakje tariga ehal. Jemnembagö silene mepaqepaik qetji qetji ohogetka kokolak qeiga nööröj 7 aka ilikji 10 mewö kinök.

⁴"Ambi mianjön opo söro pisikji gugakgugak aka pisikji pötpöt mi löngöta tarök. Aködamunji goul, jamönjinj öljnambuk aka kösatorom tosatji mianjön mejöläm anjiiga tandökjan kölkölbilikbilikjambuk ahök. Böröje goul qambi memba taröhi, mi serowilin aka malöhanjö anjöjörakji imbilonjonambuknöj kokolak qejeja.

⁵Ambi mianjö mesoholje qetji tölapji mi kewö ohogetka ahöyök, "Babilon qetbujanambuk, gölmegö köna ketaji ambazip aka anjöjörak imbilonjonambukö namjini." ⁶Qetji mewö ahöiga Anutugö ambazip sarakjan Jisösgö könanji nanjöba böj qeba kinda jiba malgeri, mi enjuba sepnini nempa mianjöra kahalalom ahöi ehal. Mi eka aurum tililingöyal.

⁷Aurum tililingöbiga Suep garatanöj nöjgöra keu kewö jii möral, "Gi mönö denöwögöra aurum tililingözan? Nöjön ölop ambi kianjö könanji tölapji indel gihimam aka jemnemba nööröj 7 aka ilikji 10 ambi mi bisimakzawi, yanjö könanji tölapji mi mewöyök indela jim

° 16.21 Eks 9.23; Ind 11.19 ° 17.1 Jer 51.13 ° 17.2 Ais 23.17; Jer 51.7; Ind 13.1
 × 17.4 Jer 51.7

miwikɲaim gihimam. ⁸Yegi meleɲniga jemnemba ekzani, yaɲɔn mutuk malökmö, nalö kewöŋe jebuk qahö malja. Yaɲɔn ömewöröme yeŋgö löm dutɲi qahö miangöreŋök guliba wahötmapmö, Kraistnöŋ kaköm waŋgiiga könöp sianöŋ gema. Anutunöŋ Suep gölme miwikɲaim etkiyöhi, nalö miangöreŋök könahiba gölmenöŋ mala kotketka qetɲini malmal köhöikɲaŋgö papianöŋ qahö ohoget ahözawi, ambazip miejön mönö jemnemba eka aurume. Jebuk malökmö, nalö kewöŋe jebuk qahö malja aka könangep kunbuk guliba asuhumawi, miangöra mönö aurume.

⁹“Nini keu ki möt asaribingöra möringa mötkutukutuɲan kewö ahöza: Nöröpɲi 7 mi ambinöŋ kunduɲi 7:gö qakɲine tatzawi, mönö kunduɲi mieŋgö söpsöpɲi akze. ¹⁰Nöröpɲi 7 mi mewöyök kiɲ kembu 7 mieŋgö kaisöpsöpɲi akze. Yeŋgöreŋök 5 lök kömumba etketka 6:ɲi yaɲɔn mala ambazip galöm köl eŋgimakza. Qöndökɲan biaɲ asuhumawaŋgö dop akza. Yaɲɔn asuhumawi, miangöreŋ mönö nalö töröpɲi kukösum qakɲe kinmawaŋgö dop akɲa. ¹¹Jemnemba malökmö, nalö kewöŋe qahö toroqeba maljawi, yaɲɔn 7 yeŋgöreŋök kun akza. Yaɲɔn kunbuk guliba nanɲak kiɲ kembu jaŋgöŋi 8 akɲa. Mewö akɲapmö, Kraistnöŋ köndeɲ waŋgiiga ayuhuba könöp sianöŋ gema.

¹²“Ilikɲi 10 eŋgekzani, mi mönö kiɲ kembu 10 mieŋgö kaisöpsöpɲini akze. Yeɲɔn qahö könahiba ambazip galöm köl eŋgimakzemö, Anutunöŋ könangep kukösum eŋgiiga kiɲ kembu ewö akɲe. Mewö aka jemnembabuk aua mohotkö dop ambazip galöm köl eŋgiba malme. ¹³Kiɲ kembu 10 miejön mötmöt areɲ mohot miyök wuatangöba jemnemba naŋgöba kukösumɲini i waŋgigetka malma. ¹⁴Ösumɲini mewö mindiriba Lama moröŋi tuarenjoɲ aka bim aumemö, Lama moröŋan mönö luhut al eŋgiiga etme. Yaɲɔn kiɲ yeŋgö Kiɲini aka azi kembu yeŋgö Kambuɲini akza. Yaɲɔn neŋgohola möwölöhöm neŋgiiga yambuk pöndaɲ kinda malbini, neɲɔn mönö mohotɲe luhut al eŋgiba köiraɲ kölbini.”

¹⁵Suep garatanöŋ keuɲi mewö jiba toroqeba kewö jii möral, “Köna ketaŋaŋgö ambi ketaɲan o gwötpuk mieŋgö qakɲine tariga eŋgek teközani, o mi ambazip kantriɲi kantriɲi mieŋgö kaisöpsöpɲini akze. Yeɲɔn kambuɲini aka bem isikɲinaŋgö dop likepliket tat angetka sileɲini könaɲi könaɲi aiga keuɲini tandökɲi murutɲi murutɲi jimakze. ¹⁶Jegi meleɲniga ilikɲi 10 eŋgekzani, yeɲɔn mönö ösumɲini jemnembabuk mindiriba köna ketaŋaŋgö ambi mi kazik ak waŋgigetka kewö asuhuma: Yeɲɔn öröyuaiɲi pakpak kiom qegetka piromɲi aiga opo söroröŋi köteköm tekögetka sile aukɲeyök aiga busuɲi nemba sihitɲi könöpnöŋ ohogetka jem teköma.

¹⁷“Mewö asuhumawi, mi Anutunöŋ kiɲ kembu mieŋgö uruɲini kuŋguba sölölohöm eŋgiiga urumohot aka mindiriba akɲe. Anutugö

† 17.8 Dan 7.7; Ind 11.7; Sum 69.28 † 17.12 Dan 7.24

mötmöt areni mönö mewö wuatangöme. Miangö dop kukösumjini jemnema wangigetka ambazip galöm köl enggiba malma. Mewö maliga Anutugö keujan öljambuk akjawwi, nalö mianggöreñ teköma. ¹⁸ Amba tari ekzani, mi siti qetbuñambuk toñan gölmegö kiñ kembuñi kembuñi galöm köl enggimakzawi, mönö kiñ miangö söpsöpñi akza.” Mewö.

Babilon siti köndengetka gororongöma.

18 ¹ Miangö andöñe Suep garata kun kukösumñi öngöñgöñi ekiga Suepnöhök asuhuba eriga asakmararañan gölme mem asariyök.

² “Eta köhöikñanök silata kewö qerök, “Babilon siti ketañi mi köndenget. Mi ölja köndengetka gororongoyök. Ambazip qahöwaketka öme wöröme könani könani yeñönök mönö tokoba miriñini mianggöreñ megetka yeñgö gölmeñini bohonñi ahök. Neiñi neiñi dönqizinnambuk aka imbiloñloñinambuk mieñönök mönö mianggöreñ tokoba aipñini lañ ala öñsöñ malje.

³ “Anutunöñ mi kewögöra jiiga köndenget: Kantri pakpak yeñön ambi miangö serowillinanggöra aka uruñini wahöriga eñololoñ aketka Anutugö irimñi sehohiyök. Irimse sewölñi mi qakñine öngöiga wain o nemakzeangö tandök mötket. Gölmegö kiñ kembuñi kembuñi yeñön ambi miambuk sero namböñnamböñ aka malget. Kölköl-örörö ambazipnöñ gölme dop mianggöreñök kaba sukinap aködamunñinambuk bohonñi memapköra algetka önöñi qahö öröba siyoñsayoñi qahö malök. Yangö örömgöjup memgöjupñanggöra aka yeñön pomñi kindiñbirik aka öngöñgöñi aket.”

⁴ “Miangö andöñe Suepnöhök kunöñ keu jiiga kewö möral,

“Nöñgö könagesourupni, iñini mönö siti mi mosöta yaigep etket. Amba miangön siñgisöndok ahakzawi, miangön mönö eñgualöñni yambuk kinda uruñini tölohobepuk.

Anutunöñ likepñi meleñ eñgiiga lömböt kanjamñinambuk qakñine öngömei, lömböt mewöñi kunöñ mönö nanñini qakñine öngöiga mewöyök sihimbölö mötpepuk. Mianggöra yembuk mönö kude mindiriba malme.

⁵ ^d “Amba miangön siñgisöndokñi aka qaknöñ qaknöñ aliga öngöba lök suep misirim teköza.

Kegwek-kahasililiñ aka malgeri, Anutunöñ mi mönö nanñi mötmötnöñ ala mianggöra qahö ölum qema.

⁶ ^e “Ahakmeme goñgoñi tosatñi ak enggiba malgeri, iñini mönö miangö dop meleñda ak enggime. Bölöñi aka memba malgeri, iñini mönö miangö likepñi sömañi yahötkö dop meleñ enggetka qakñine öngöma.

^a 18.2 Ais 13.21; 21.9; Jer 50.39; 51.8; Ind 14.8 ^b 18.3 Ais 23.17; Jer 51.7 ^c 18.4 Ais 48.20; Jer 50.8; 51.6, 45 ^d 18.5 Jen 18.20-21; Jer 51.9 ^e 18.6 Sum 137.8; Jer 50.29

Singisöndokö qambiñi nemegöra mokoba malgeri, nanñini qambi miangörenök mönö sömañ yahötkö dop uba meleşda wain o kömbukñi kötökñi mi engöra mokoget neme.

- 7 ^fAmbi miangön sukinap aködamunñinambuk önöñi qahö öröba qetbuña öngöngöñi miwikñaiba siyonsayonñi qahö malök. Miangö likepñi mönö nanñi ihileknöñ ohotiriba ip özöpaññöñ sihimbölö önöñi qahö ak wañgigetka jingey köla wösöbirik malma. Nanñi uruñe kewö mötmöriba lañ jimakza,
 ‘Nöñön qin ambi kembugö jakömbuak dum tatatñe tatzal. Malö qahö akzal aka nalö kunöñ jingey qahö kölmam.’
- 8 Mewö lañ jimakzawañgöra aka Anutunöñ likepñi meleş wañgiiga nalö mohotkö uruñe yañgö qakñe öngöma.
 Kembu Anutunöñ keuñi kewöta jim teköm wañgiyöhi, yañgö kukñan mönö öngöngöñi akza.
 Miangöra lömböt kanjamñinambuk könañi könañi mieñön mönö zilañ kewö asuhum wañgime:
 Tinitosolomñan kömugetka jingey köla bödi tariga nanñi könöpnöñ ohogetka jema.”

⁹Könöpnöñ ohogetka jeiga köwak wahötmawi, kantriñi kantriñi pakpak mieñgö kiñ kembuñinan mi eka mönö amburereñ aka sahötme. Kiñ kembu mieñön yambuk serowilin aka malget. Sukinapñi aködamunñinambuk önöñi qahö miangö nem söñgaipñi yambuk ala söñgaiba malgeri, yeñön mönö yañgöra aka jingey kölme. ¹⁰Jingey köla ihileknöñ ohotirigetka ip özöpaññöñ sihimbölö önöñi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuñañambuk, lömböt qakñine öngöyöhañgöra mönö Yei! Yei! jiba sahötzin. O siti kukösumñini ketañi, Sup Toñan likepñi meleş eñgiiga ösumok aua mohotkö uruñe qakñine öngöiga sihimbölö ketañi mötze. Yei Yei! jiba sahötzin!”

¹¹^hKantriñi kantriñi mieñgö kölköl-örörö ambazip yeñön mewöyök amburereñ akñe. Kunñan toroqeba yeñgö inapñini bohonñi qahö memakñawañgöra mönö jingey köla sahötme. ¹²ⁱAködamunñini goul, silwö, jamönñiñ öñinambuk aka sorom kötñi mi Babilon yeñön me tosatñan qahö bohonñi meme. Opoñini tuat lalamñi, pisikñi gugakgugak, pisikñi pötpöt aka opo qetñi silk mi qahö bohonñi meme. Ip qetpuk könañi könañi mieñgö kemañini aka börösöwöñini könañi könañi mi qahö toroqeba bohonñi meme. Aködamunñini elefant sihitñan memeni, mi öne ahöme. Dum tebol yuañini ip söñgöroröñini ketañi in, qönqön,

^f 18.7-8 Ais 47.7-9 ^g 18.9-10 Eze 26.16-17 ^h 18.11 Eze 27.31, 36 ⁱ 18.12-13 Eze 27.12, 13, 22

mihinik, nanjim aka yuari mianjon memenji, mi öne ahöme. Börösöwö ain gohotnji brons aka ain injarjan memenji aka köt qetnji mabol mianjon memenji mi mönö öne ahöme.

¹³Babilon yejon kömusönönik (sinamon) aka gipnji tosatnji mi qahö bohonnji meme. Silegö sanda qetnji mör, jiniñ samburup aka sile ömön tosatnji mi qahö bohonnji meme. Wanafu, berat, wölömjikjik aka wöronnji asuhumapkö yuai tosatnji mi qahö bohonnji meme. Mewöyök wain o, oil ipkö oilnji, wit kötjni aka flaua nenejni mi qahö bohonnji meme. Bulmakau, lama, hos aka hos kare mi qahö bohonnji meme. Mutuk welenqece ambazip bohonjni memba nupnöñ al engigetka sile me urumötmötjnan böliba ayuhuyök. Mewö qahö toroqeba ahakje.

¹⁴Kölköl-örörö ambazip yejon Babilon ambi mianjöra kewö jime, “Ip ölnji nemamgö sihimnji möta eröm ota malnöñi, mi mönö qahöwaketka öne maljan. Töhötmöriamgi aka sukinapki aködamunjinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikñaimanangö dop qahö.” ¹⁵^jKölköl-örörö ambazip sukinapjni mewö mewö bohonnji memegöra ala siti mianjörenjök moneñ goul (guli dötnam) öröba qetbuñanambuk aket. Yejon tikep kingetka tosatjan ihileknöñ ohotirigetka ip özöpañnöñ sihimbölä önöñi qahö möröhi, mianjöra mönö auruba sahöta jingej kölme.

¹⁶Jingej köla kewö jime, “O siti ketani, lömböt qakjine öngöyöhanjöra mönö yei! yei! qeta jingej köljnin. Yejon opoñini tuat lalamnji, pisiknji gugakgugak aka pisiknji pötpöt mi löngötket. Aködamunjni goul, jamönjin ölninambuk aka kösatorom tosatjan meñölöm angugetka tandökjinan kölkölbilikjinambuk aket. ¹⁷^kMewö aketmö, sukinapjni mewöñi önöñi qahö mi mönö ösumok aua mohotkö uruje ayuhuba ayapköba qahöwaket.” Mewö jiget.

Wañge pailot pakpak aka ambazip wañgenöñ anda kamakzei, yejon mewöñanök körek Babilon siti ohoget jeiga köwaknji mi tikep kinda ekje. Mewöyök wañge ambazip opo seri mörörengögetka luhutnöñ nangöi anakzei aka köwetnöñ nup tosatnji memba malmaljni nangömakzei, mienjon mönö körek pakpak mi tikep kinda ekje. ¹⁸^lAmbi ketani qetbuñanambuk ohoget jeiga könöp bölamñangö köwaknji wahötmawi, mi tikep kinda eka amburereñ aka kewö jime, “Siti qetbuñanambuk kianjö alañi mönö nalö kunöñ qahö ahöyök.”

¹⁹^mMewö jiba sömsöm urata kau ariba qeta jingej köla unduba sahöta kewö jiget, “O siti ketani, aua mohotkö uruje yuaiñi pakpak mönö ayuhuba ayapköba qahöwahök. Ambazip wañgeninambuk pakpak köwetnöñ anda kaba sukinapjni bohonnji memegöra ala

^j 18.15 Eze 27.31, 36 ^k 18.17 Ais 23.14; Eze 27.26-30 ^l 18.18 Eze 27.32 ^m 18.19 Eze 27.30-34

miaṅgöreṅök moneṅ goul (guli dötnam) sehisehiṅi örögetka siti miaṅön qetbuṅañambuk ahök. Lömböt qakṅine öṅgözawaṅgöra mönö yei! yei! jiba sahötzin.” Mewö jiget.

²⁰ “Yeṅön ahakmeme goṅgoṅi tosatṅi ak eṅgiba malgeri, Anutunön mönö miaṅgö keuṅi jim teköba likeṅṅi meleṅniga qakṅine öṅgöiga sihimbölö ketaṅi mörakze. Miaṅgöra Suep mire maljei, iṅini mönö yaṅgöra aka köiraṅ kölme. Anutugö ambazip sarakṅi, aposolurupṅi aka kezapqetok ambazip iṅini mönö söṅgaiba saureṅ qeba malme.

²¹ “Miaṅgö andöṅe Suep garata ösumṅi öṅgöṅöṅi kunöṅ kaba köt keta bölökṅi memba wahöta köwetnönṅ gili geiga kewö jiyök, “Anutunön siti ketaṅi qetbuṅañambuk mi mönö kiaṅgö dop könöpuk köndeyda meleṅni geba qahöwak teköma. Qahöwak teköiga könaṅgep nalö kunöṅ qahö miwikṅaimeaṅgö dop akṅa. ²² ^p “Iṅini siti miaṅgöreṅ kömam köla gita kulele qeba awölop tömun uba liṅet köla undumalgeri, miaṅgö kourukṅi mönö nalö kunöṅ kunbuk qahö mötme. Babilon eṅgöreṅ ambazip mötmöt nupṅini könaṅi könaṅi memba malgeri, mi mönö teköyök. Dokta didiman, qaqazu klak aka mewöṅi mi miaṅgöreṅ kunbuk qahöpmaḥöp miwikṅaim eṅgime. Wit padi köṅṅi jamönṅiṅ yahötkö sutṅire möjöjahögetka (mill) kourukṅi asuhuyöhi, miaṅgö isikusukṅan mönö qahöwahiga sitinönṅ mönö göröṅ qeba ahöma.

²³ “Mutuk sitinṅinaṅgö miriṅi pakpak mi kiwaṅinambuk asarigetmö, asakṅi miaṅön mönö bököiga pandaman ahöma. Azigö andöurupṅinan ambigö mam bohonṅi bau aṅguba börum megetka ambigö sepkitipurupṅan köiraṅ ala nem jöwösök aka sösoṅgai almalgeri, oköiraṅ mewöṅaṅgö kourukṅi mi mönö kunbuk mötmeaṅgö dop qahö. Babilon eṅgö kölköl-örörö ambazip mi kantriṅi kantriṅi miaṅgöreṅ möt eṅgigetka qetbuṅañinambuk aka malget. Yeṅgöreṅ qarösoṅgo amötqeqe ambazip mi gölme dop ambazip uruṅini mem sohogetka jaṅjuṅ aka malget.” Suep garatanönṅ mewö jiyök.

²⁴ “Babilon mi kewögöra ayuhuyök: Kezapqetok ambazip aka Anutugö ambazip sarakṅi mi mönö yeṅgö sutṅine töndup taköwölaṅ aka eṅguget kömugetka sepṅinan erök. Yeṅgöreṅ sep aka gölmenönṅ ambazip tosatṅi eṅgugetka kömumalgeri, körek yeṅgö sepṅinaṅgö kitipṅan mönö yeṅgö qakṅine öṅgöi malget. Könaṅamṅini mewö miwikṅaigetka ahöyök. Mewö

Suep yeṅön Babilon geyöhangöra Anutu möpöseiget.

19 ¹ Miaṅgö andöṅe Suepnöhök keu kun mötpiga kambu ketaṅi yeṅön köhöikṅanök saureṅ liṅet köla qetzei, mönö miaṅgö tandöktandök asuhui kewö jiget, “Anutu möpöseizin aleluya! Anutunön

ⁿ 18.20 Dut 32.43; Jer 51.48 ^o 18.21 Jer 51.63-64; Eze 26.21 ^p 18.22 Eze 26.13; Ais 24.8 ^q 18.22-23 Jer 7.34; 25.10 ^r 18.24 Jer 51.49

amöt neŋguba neŋgömeiga yaŋgö buŋaŋi akzin. Anutuninan kukösum Toŋi aiga möpöseim waŋgiinga qetbuŋaŋambuk akza. ² Anutunöŋ mönö keu ölnaŋgö dop ambazip keuŋini kewöta diŋdiŋanök jim teköm neŋgimakza. Köna ketaŋi ambi serowilin aka mewö miaŋön ambazip gölme dop mem bölim eŋgiba malöhi, Anutunöŋ mönö yaŋgö keuŋi kewöta jim teköyök. Ambi miaŋön Anutugö nup meme ambazip eŋguiga seŋŋinan eröhi, miaŋgö likeŋŋi mönö meleŋ waŋgiiga qakŋe öŋgöiga sihimbölö möta malja. Miaŋgöra Anutu möpöseim waŋgizin.”

³ Mewö jiba kunbuk qeta kewö jiget, “Ambi mi ohoget jeiga köwakŋan mönö nalö dop teteköŋi qahö wahöta öŋgömakŋa. Miaŋgöra Anutu möpöseim waŋgimakzin, aleluya!” ⁴ Mewö qeta jigetka Anutugö jitŋememe bohonŋi 24 aka bem jembon 4 mieŋön mönö bamgöba simin köla Anutu, jakömbuak dumŋe tatzawaŋgö waikŋi memba möpöseiba kewö qetket, “Keu mi ölna, aleluya!”

Lama moröŋaŋgö maren lömbuaŋ

⁵ Mewö qetketka jakömbuak dumnöhök keu kun kewö asuhuyök, “Anutugö nup meme ambazip ketaŋi moröŋi jitŋi oŋgitpinbuköra keŋgötŋini mörakzei, iŋini mönö körek pakpak Anutunini möpöseiba malme.”

⁶ Keu mi asuhuiga keu kun mörali, mi kiaŋgö tandöktandök: Kambu ketaŋi yeŋön liŋet köla qet qerakzei aka o sianöŋ toŋgala kiniga ötoŋi asuhumakzawi aka wölpöndandaŋ ketaŋan qeiga giŋgururuŋ asuhumakzawi, keu mi mönö miaŋgö tandöktandök ewö asuhuiga kewö jiget, “Kembu Anutunini, kukösum pakpakö Toŋan mönö könahiba gölme dop galöm köl eŋgiba kiŋ Kembuŋina aka malma. Miaŋgöra Anutu möpöseizin, aleluya! ⁷ Lama moröŋaŋgö ambi buŋaŋan mönö marengö möta nanŋi mözözömgöba jöjöröm aŋguiga amqeiga ambi memegö nalöŋan mönö kam kuŋguiga maljin. Miaŋgöra neŋön mönö köiraŋ köla söŋgaiba Anutu möpöseim waŋgiinga qetbuŋaŋan sehimakŋa. ⁸ Anutunöŋ maluku tuat lalamŋi asakmararaŋambuk mi eŋgiiga löŋgötket.” (Maluku tuat lalamŋi mi ambazip sarakŋi yeŋgö ahakmeme solanŋaŋgö kaisöpsöŋŋi, mönö miaŋgöreŋ löŋgöt aŋguget.)

⁹ Kambu ketaŋaŋgö tandöktandök mewö qeta jigetka Suep garata qambiŋambuk miaŋön mönö toroqeba kewö jii möral, “Keu ki mönö ohoman: Anutunöŋ ambazip eŋgoholiga Lama moröŋaŋgö maren (ambi memegö) lömbuaŋnöŋ kaŋgotmei, yeŋön mönö simbawoŋ akze.” Mewö jiba dumŋe kunbuk nöŋgöra kewö jiyök, “Keu mi mönö Anutugö keu ölä töhöŋŋi akza.”

^s 19.2 Dut 32.43; 2 Kiŋ 9.7 ^t 19.3 Ais 34.10 ^u 19.5 Sum 115.13 ^v 19.6 Eze 1.24; Sum 93.1; 97.1; 99.1 ^w 19.9 Mat 22.2-3

¹⁰Suep garatanöŋ mewö jiiga nöŋön miangöŋöŋök yaŋgö waikŋi memba möpöseim waŋgimangö möta yaŋgö könaje simin köla sipköyalmö, nöŋgöra kewö jiyök, “Aek! Mewö kude akŋan. Gi aka göhö urumelen alaurupkan Jisösgö könäŋi naŋgöba jiba malgetka welen qem eŋgimakkzini, nöŋön mönö yeŋgöŋöŋök kun akzal. Jisösnöŋ Buŋa keu ölni indelöhi, miangö ösumŋan mönö kezapqetok ambazip inahöm eŋgiiga Uŋa Töröŋaŋgö keuŋi möta jim sehiget. Miangöra mönö Anutugöra sipköba waikŋi memba möpöseiba malman.” Mewö.

Kraistnöŋ yarö kambuŋi yembuk bim aubingö anget.

¹¹ *Nöŋön Suep aŋaŋiiga hos tuatŋi kun ekiga kayök. Qakŋe tariga kayöhangö qetŋi mi Pöndaŋ Kinkin (Jembon onŋi nene) aka Azi Ölbölni. Qetŋi mewö qerakzei, yaŋön keu diŋdiŋi wuatangöba keu kewöta jim teköba miangö dop bim qemakza. ¹² ^yJeŋan könöp bölam tandök jeiga nöŋöŋe ila jalö gwötpuk kölgetka qetŋi aukŋe ohohoŋa kayök. Qetŋi nanŋök mötzapmö, kunöŋ kun mi qahö mötza. ¹³ Malukuŋi sepnöŋ kusakusaholŋi mi löŋgöta kayök. Qetŋi qerakzei, mi Anutugöŋe keu.

¹⁴ I wuatangöba kageri, mi Suep mirigö yarö azi kambuŋi kambuŋi. Yeŋön hosŋini tuatŋi eŋgömemba qakŋine tata malukuŋini tuat lalamŋi sarakŋi löŋgöta kaŋet. ¹⁵ ^zSuahöŋinaŋgö numbuŋeyök bimgö sou ketaŋi (bainat) jitŋi zuluk alalŋambuk kunöŋ kayök. Mi kantriŋi kantriŋi eŋguba luhut al eŋgimapköra aka kayök. Yaŋön galömkölkölgö ain öŋöŋŋan kantri dop qindiaiba galöm köl eŋgiba malma. Yaŋön Anutu kukösum pakpakö Toŋaŋgö wain joutŋi ketaŋi tözöhölma. Wain jout mi Anutugö irimsesewölŋi urupikŋambukö kaisöpsöpŋi akza. ^a ¹⁶ Malukuŋe qetŋi kun ohogetka marömŋe kewö kinök, “Kiŋ yeŋgö Kiŋini aka azi kembu yeŋgö Kembuŋini.” Mewö.

¹⁷ ^bMiangö andöŋe Suep garata kun ekiga wehön jeŋe kinök. Euyangöŋeŋ kinda köhöikŋanök qeta neiŋi neiŋi suep bibiŋi kutuba könakemba bölbölgöba anakzei, mönö körek mi eŋgohola kewö jiyök, “Iŋini mönö kame-e! Anutunöŋ közölömbuaŋ ketaŋi mözözömgöyöhi, mönö miangöŋeŋ tokome. ¹⁸ Kaba tokoba kiŋ kembu, suahö galöm aka yarö azi yeŋgö busuŋini neme. Hos aka hos qakŋine tarakzei, mönö

* **19.11** Eze 1.1; Sum 96.13; Ais 11.4 ^y **19.12** Dan 10.6 ^z **19.15** Sum 2.9; Ais 63.3; Joel 3.13; Ind 14.20 ^a **19.15** Jisösnöŋ Anutugö irimsesewölŋi aka urupikŋi tözöhölmawi, keu miangö könäŋi kewö: Nini siŋgisöndok ahinga Anutugö irimŋi seholiiga irimsesewölŋan qakŋine öŋgöba ahöma. Toroqeba siŋgisöndok aka urunini qahö meleŋninga Anutugö irimŋan toroqeba seholiiga urupikŋambuk akŋa. Wain kösögö ölni pisikŋi (greip) miangö kaŋgeŋi mi jout ketaŋe ala tözöhölgetka qösököiga oŋan dutŋangö kinimŋe lalanöŋ geiga baket algetka miangö uruŋe gemakza. Anutugö irimsesewölŋi aka urupikŋi miangö söpsöpŋi mi wain kösögö ölni. Jisösnöŋ miangö sihimbölöŋi möta tözöhöli geiga Anutugö uruŋan amöriba teköiga luai asuhuma. ^b **19.17-18** Eze 39.17-20

yeŋgö busuŋini neme. Ambazip körek yeŋgö busuŋini mönö kaba neme. Ambazip öngöngöŋi eretŋi, nanŋini nupŋini memakzei aka toŋinanŋö welenŋini öne qemakzei, mönö körek miengö busuŋini neme.”

¹⁹Miaŋgö andöŋe jemnemba aka gölmeŋi gölmeŋi yeŋgö kiŋ kembuŋini miengön mönö yarö kambuŋini enguaŋgita kaba tokogetka eŋgehal. Kunöŋ hos qakŋe tata yarö kambuŋi yembuk kinöhi, mönö i tuarenjoŋ ak eŋgiba bim aubingöra tokogetka eŋgehal.

²⁰°Auegetka jemnemba memba jöhöget. Kezapqetok azi takapulakaŋi jemnembagö jitlememba aŋgöletot aka malöhi, i mewöyök jemnembabuk memba jöhöget. Kezapqetok azi takapulakaŋan aŋgöletot aka miaŋön ambazip tosatŋi kewöŋi mi tilipköm eŋgiiga janjuŋ aka malget: Ambazip jemnembagö supapŋi memba aŋgön kölgeri aka tosatŋan imutŋaŋgö waikŋi memba möpöseiba malgeri, mi mönö tilipköm eŋgiba malök. Etkömembra jöhöba gwölögwölö aköm etkigetka löm salfa kötkö könöp bölamŋan koasikpuk jemakzawi, mönö miaŋgö sianöŋ geyohot. ²¹Geyohotka hos qakŋe taröhaŋgö numbuŋeyök bimgö sou ketaŋi (bainat) kayöhi, miaŋön mönö kiŋ kembu aka yarö azi pakpak mi eŋguiga kömuget. Kömugetka nei pakpak yeŋön kaŋgota busuŋini uba memba nem timbireŋ aket. Mewö.

Satan jöhögetka yara 1.000:gö dop kösö mire tarök.

20 ¹Miaŋgö andöŋe Suep garata kun ekiga Suepnöhök erök. Yaŋön ömewöröme yeŋgö löm dutŋi qahö miaŋgö ki moröŋi aka tapep (muŋgamuŋga) ketaŋi kun mi böröŋan memba erök. ²°Garata miaŋön eta sekak namŋi ilikŋambuk (dragon) mi memba (yara) yambu 1.000 tatmawaŋgöra jöhöyök. Sekak namŋi mi möpŋaŋgö möpŋeyök mokoleŋ aka mala korök. Qetŋi alaŋi mi Bölöŋaŋgö Toŋi aka Satan. ³Yambu 1.000:gö uruŋe toroqeba ambazip kantri dop kuŋguba gölme dop janjuŋ akŋegöra tilipköm eŋgibapuköra jöhöyök. Jöhöba gili ömewöröme yeŋgö löm dutŋi qahö miaŋgöreŋ geiga önunŋi köla sapö ala muŋgem supapnöŋ (sil) qekötahöba ki namŋi misii geiga uruŋe tarök. Mewö tari Suep garatanöŋ kewö jiyök, “Yambu 1.000 teköiga miaŋgö andöŋe Anutunöŋ jii kunbuk pösatketka nalö töröpŋi nupŋi memba malma.” Mewö jiyök.

⁴°Miaŋgö andöŋe jakömbuak dumŋi dumŋi ehal. Anutunöŋ tosatŋi kukösum eŋgiiga ambazip keuŋini jim tekömei, yeŋön mönö dumŋi dumŋi miaŋgöreŋ eta tatket. Mewöyök ambazip Jisösgö könaŋi naŋgöba jigerawöŋgöra aka Anutugö Buŋa keugöra aka jölŋini yandigetka kömugeri, mönö yeŋgö uŋaŋini eŋgehal. Mewöyök ambazip jemnemba aka yaŋgö imutŋaŋgö waikŋi qahö memba möpöseigeri aka yaŋgö supapŋi mi mesoholŋine me böröŋine qahö memba aŋgön kölgeri, mönö yeŋgö

° 19.20 Ind 13.1-18 ° 20.2 Jen 3.1 ° 20.4 Dan 7.9, 22

uŋaŋini eŋgehal. Uŋaŋini mi eŋgekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵Kömugeri, yeŋgöreŋök tosatŋan kömupnöhök wahötwahöt mutukŋi miangö nalöŋe qahö guliget. Qahöpmö, (yara) yambu 1.000 mi mambötket teköiga miangö andöŋe mönö guliba wahötmē. ⁶Denike yeŋön kömupnöhök wahötwahöt mutukŋangö nalöŋe gulimeī, yeŋön mönö oyaenŋkoyaen aka töröŋi sarakŋi akze. Nalö miangöreŋ gulibagun mönö indimŋi yahöt qahö kömume. Kömup yahötŋangö kukösumŋan mönö yeŋgö qakŋine qahö öŋgöi kömumbingö osime. Yeŋön mönö Anutu aka Kraist yetkö jike nup galömurupŋiri akŋe. Mi aka Kraistpuk (yara) yambu 1.000 mi yuai pakpak galöm köla mal öŋgöme. Mewö.

Anutunöŋ Satangö keuŋi jim teköiga etma.

⁷(Yara) yambu 1.000 mi teköiga Satan kösö mireyök (kopurumŋeyök) pösatketka etma. ⁸†Eta anda ambazip kantri dop tilipköm eŋgimamgöra gölme dop liliköma. Gölme göraŋi likeplikep eu emu anda kaba (uruŋini moŋgosohowa) siksauk ak eŋgiba kantri qetŋiri Gog aka Magog mi tok dop köla anma. Anutu tuarenŋon aka bim qemegöra kuŋgum eŋgiiga tokogetka jaŋgöŋinan köwetkö sak kösakö dop akŋa. ⁹Tokoba kaba kutuba Israel gölme dop köl teköba anda Anutugö könagesö yeŋgö selŋini aka Anutugö wölböt sitiŋi (Jerusalem) mi liliköba tatme. Mewö tatmemö, Anutunöŋ könöp bölam aliga suepnöhök eta jem kutum eŋgim teköma.

¹⁰Jem kutum eŋgim teköiga Bölöŋangö Toŋi tilipköm eŋgiiga jaŋjun akeri, garata yeŋön i aköm waŋgigetka löm salfa kötkö könöp bölamŋan koasikpuk jemakzawi, mönö miangö sianöŋ geyök. Mutuk jemnemba aka kezapqetok azi takapulakaŋi mewöyök aköm etkigetka miangöreŋ geba maljahot. Miangöreŋ suŋgem asak ihileknöŋ ohotirim eŋgigetka teteköŋi qahö sihimbölö önöŋi qahö möta mal öŋgöme. Mewö.

Anutunöŋ ambazip kömugeri, yeŋgö keuŋini jim teköma.

¹¹†Miangö andöŋe jakömbuak dum ketanŋi tuatŋi aka miangöreŋ tatzawi, i ehal. Ekiga suŋp gölme mi yaŋgö jemesoholŋeyök qahöwaka angaiyohot. Angaiba kunbuk etkekinangö dop qahö ahot. ¹²Angaiyohotka ambazip kömukömuŋi öŋgöŋgöŋi eretŋi eŋgekiga jakömbuak dum wösöŋe kingetka Anutunöŋ buk papianŋi papianŋi kötulök. Papia alaŋi kun qetŋi malmal köhöikŋangö qet areŋ papia mi mewöyök kötulök. Kötula ambazip kömukömuŋi yeŋgö keuŋini kewöriga ahakmemenŋinangö kösohotŋi buk papianöŋ ohogetka ahöyöhi, yaŋön mönö miangö dop oyonŋda ambazip jim teköm eŋgiyök.

¹³Köwetnöŋ kömumba geba malgeri, mi köwet Toŋan meleŋ eŋgiiga Anutugö jeŋe kaŋgotket. Kömupkö kondotkondot Toŋangö böröŋe

† 20.8 Eze 7.2; 38.2, 9, 15 * 20.11-12 Dan 7.9-10

malgeri, mi Toŋi mianjōn kōleŋda al eŋgiyōk. Kōmumba kōmupkō uŋem mire geba malgeri, mi mianjō Toŋan meleŋ eŋgiiga Anutugō jeŋe kaŋgotket. Mewō kaŋgota asuheetka Anutunōŋ keuŋini mohot mohot kewōta ahakmemeninaŋgō dop jim tekōm eŋgiyōk. ¹⁴ Jim tekōm eŋgiiga kōmupkō kondotkondot Toŋi aka kōmupkō uŋem miri Toŋi mi akōm etkigetka lōm kōnōp koasikpuk jemakzawi, mōnō mianjō sianōŋ geyohot. Kōnōp sia mianjōreŋ geŋeri, mianjōn mōnō kōmup indimŋi yahōt akza.

¹⁵ Anutunōŋ kungō qetŋi malmal kōhōikŋaŋgō qet papianōŋ qahō ohogetka ahōi miwikŋaiyōhi, i mōnō akōm waŋgii lōm kōnōp koasikpuk jemakzawi, mianjō sianōŋ geyōk. Mewō.

Suep dōlōkŋi aka gōlme dōlōkŋi etkehal.

21 ^{1h} Suep gōlme mutukŋi yetkōn mewō qahōwaka ayapkōyohotka kōwetnōŋ mewōyōk qahō toroqeba ahōyōk. Mianjō andōŋe Suep gōlme dōlōkŋi etkehal.

²ⁱ Jerusalem dōlōkŋi, siti tōrōŋi mi Suepnōhōk Anutugō mireyōk eriga ehal. Siti mi mōhamgōm tekōgetka eksihimŋambuk kewō ahōk: Ambi maren waŋgigetka maluku eksihimŋambuk lōŋgōta azi buŋaŋambuk aitōŋgōmapkōra meŋōlōm aŋguba jōjōrōba akōdamunŋambuk kinjawi, siti mianjōn mōnō mianjō dop aiga ehal. ^{3j} Mi eka kinda jakōmbuak dumnōhōk keu kun asuhui mōtpiga kōhōikŋanōk qeta kewō jiyōk, “Eknōŋ, Anutugō mirinōŋ mōnō ambazip sutŋine eta ahōza. Anutunōŋ sutŋine maliga yambuk malgetka nanŋak bem Anutuŋini aka yembuk mal ōŋgōma. ^{4k} Yembuk mala je imbilŋini mi lōkŋanōk kutum tekōma. Yuai pakpak mutuk ahōyōhi, mianjōn mōnō qahōwak tekōyōk. Mianjōra kunbuk qahō kōmugetka jingēŋkōlkōl qahō akŋe aka toroqeba sihimbōlō kun qahō mōtme. Yuai kungōra qahō osiba sahōtme.”

⁵ Jakōmbuak dumŋe tatzawaŋōn kewō jiyōk, “Mōtnōŋ, nōŋōn jibiga ōrōyui pakpak mōnō kōlōŋaiba dōlōkŋi akŋa.” Mewō jiba jiyōk, “Keu mi ōl tōhōnŋi uruyahōtŋi qahō, mianjōra mi mōnō papianōŋ ohoman.” ^{6l} Toroqeba kewō jii mōral, “Mi mōnō jibiga asuhum tekōza. Nōŋōn mutuhōk mala (yuai pakpak miwikŋaiba kōnaŋgep jibi qahōwahiga) qōndōkŋa mal ōŋgōba malmam. Mianjō dop nōŋōn kulem namŋi mutukŋi A aka kulem namŋi tetekōŋi Z akzal. Kunŋan ogōra mōtzawi, nōŋōn mōnō malmal kōhōikŋaŋgō o jeŋeyōk o mi kalema waŋgibiga mianjōreŋōk sōŋgōrōŋi qahō um nemba malma. ^{7m} Kunŋan lōmbōt pakpak oŋgita luhut almawi, nōŋōn mōnō yaŋgō Anutuŋi aka yuai pakpak mi waŋgibiga buŋaŋi aiga nōŋgō nahōnbōratni aka qetni bisiba malma.

^h 21.1 Ais 65.17; 66.22; 2 Pitō 3.13 ⁱ 21.2 Ais 52.1; 61.10; Ind 3.12 ^j 21.3 Eze 37.27; Lew 26.11, 12 ^k 21.4 Ais 25.8; 35.10; 65.19 ^l 21.6 Ais 55.1 ^m 21.7 2 Sml 7.14; Sum 89.26-27

⁸“Mewö malmappmö, tosatñan ambazip jeñine ziriñziriñ aka böñ qahö kinda mötnaripñini mosötketka uruñinan tölohozawi, yeñgö miriñinan mönö löm salfa kötkö könöp” bölamñan koasikpuk jemakzawi, miañgöreñ ahöma. Yeñgöreñ toroqeba ambazip kewöñji yeñön mewöyök miañgöreñ geba malme: Ambazip enguget kömugetka kaisero qarösoñgo amötqeqe aka tandö lopioñ waikñini memba möpöseiba muney keu jimakzei, nöñön mönö i aköm engibiga sia miañgöreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölkñji mi qainñi kun.

⁹Lömböt kanjamñinambuk qöndökñji 7 miañön qambi 7 kokolak qegetka Suep garata 7 mieñön mi memba kingeri, yeñgöreñök kunñan kaba nöñgöra kewö jiyök, “Mönö kanöñga Lama moröñangö ambi buñañi anömñi akñamgö akzawi, mi kondel gihimam.”

¹⁰“Mewö jiiga Uña Töröñan nömeiga alburupñan qakne öñgöiga Suep garata miañön noañgiriga kundunji köröpñi qetbuñañambuk kunöñ öñgöit. Miañgöreñ öñgöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

¹¹Anutugö asakmararañan miañgöreñ asariiga kölköl-bilikbilikñan goul aka jamönñij ölninambuk söñgöröñini öñgöñgöñi mieñgö tandök ahök. Jamönñij ölnambuk qetñi jaspö mi kirin jöhanñi jöhanñi kölköl-bilikbilikñinambuk melenña asarimakzei, mönö miañgö dop tuatñi ahöyök. ¹²“Kiripoñi öñgöñgöñi mi aködamurañambuk. Kiripoñangö nañgunji 12 kingetka kösutñine Suep garata 12 dop köla kinget. Israel könagesögö kambuñi 12 mieñgö qetñini mi nañgu mieñgö sileñine ohogetka kinök. ¹³Nañgu 12 mi likeplikep eu emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴Siti kiripo mi jamönñij tandö welipñinambuk 12 mieñgö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miañgöreñ ohogetka kinök.

¹⁵“Suep garata nömbuk keu jiyöhi, yañön siti, miañgö kiripoñi aka nañgunji 12 mieñgö dopñini dop ala mötmamgöra jöjöröba dop alalgö goul öröpñi (rula mesa) memba kinök. ¹⁶Siti mi areñgöba megetka wañgömmñi 4 ahök. Likeplikep eu emu köröpñi mi öröröñ. Köröpñi mohot mohot mi goul öröpñi miañön dop ala 2400 kilomita miañgö dop ahöi miwikñaiyök.”^r Andipñi mi mewöyök öröröñ ahöyök. ¹⁷Suep garatanöñ mewöyök siti kiripoñi mi gölme azigö dopnöñ dop ala 60 mita ahöi miwikñaiyök.

ⁿ 21.8 Salfa kötkö könöpñi mi közupkö kötnan jeba gögöriñ qeba jemakzawañgö dop akza.

^o 21.10 Eze 40.2 ^p 21.12-13 Eze 48.30-35 ^q 21.15 Eze 40.3 ^r 21.16 Kambu 12 mohot mohot mieñgöra 200 kilomita.

18 ^sSiti kiriponji mi jamönjiñ öljambuk qetji jaspö mianön memeja. Siti nanjak mi goul töhönöhök megetka asakmararajan mönö kirin tuatjañgö dop asakasakjambuk asariyök. 19 Siti kiriponjañgö tandöñji mi jamönjiñ söñgöröñini öñgöñgöñi könaji könaji mianön meñölöm engigetka aködamunjinambuk kewö aketka engehal: Tandö mutukñji mi jamönjiñ öljambuk qetji jaspö mundañji injañji tandöktandök. Tandö yahötñji mi jamönjiñ asonji qetji safaiö, karöbutñji mi jamönjiñ töñgöntöñgön qetji ageit. Tandö 4:ñji mi jamönjiñ görökñji qetji emerald.

20 Tandö 5:ñji mi jamönjiñ pisikipisik qetji sardoniks. Tandö 6:ñji mi jamönjiñ psikñji qetji karnilian, 7:ñji mi jamönjiñ qetji krisolait (qortz), mundañji goul kirin ewö. Tandöñji 8:ñji mi jamönjiñ asonjañ qetji beril, 9:ñji mi jamönjiñ gohotñji qetji topaz. Tandö 10:ñji mi jamönjiñ qetji kalsedoni (krisopreis) mundañji kaukau, 11:ñji mi jamönjiñ gohotgohot qetji jeisint (turqois). Tandö 12:ñji mi jamönjiñ psikñji gugakgugak qetji ametist. 21 Siti kiripo nañgu 12 mi sorom kötñji welipjinambuk 12 mianön memeja. Nañgu mohot mohot mi sorom kötñji mohot mohot mianön urasiba memeja. Sitinöñ köna ahözawi, mi goul töhönöhök megetka kirin tuatñji ewö asariyök.

22 Siti pakpak yeñön Kembu Anutu kukösum pakpakö Toñji aka Lama moröñji törörök etkeka uruñini lök melenja waikñiri memba möpöseimakze. Mianjöra jöwöwöl jike (tempöl) kungöra qahö osimakze. Mi qahö ehal.

23 ^tAnutugö asakmararajan siti mem asarim enjiiga Lama moröñan kiwañini akza. Mianjöra wehön köiñ asarimahotköra qahö osimakze. 24 ^uYañön kiwañini aiga kantriñji kantriñji yeñön mönö yañgö asakje anda kaba malme. Gölmegö kiñ kembuñji kembuñji yeñön buñañini aködamunjinambuk mi enjuañgita siti mianjöreñ alme. 25 ^vSiti söñaupñji qahö, mianjöra kiripo nañguñji mi nalö kunöñ qahö kölmemö, sundan dop tala kinme.

26 Kantriñji kantriñji yeñön uruñini melenja aködamunjinangö buñañinangöra aiweliköba qetbuñañinambuk aka malgeri, mi mönö enjuañgita siti mianjöreñ alme. 27 ^wAmbazip qetñini malmal köhöikñañgö qet areñ papianöñ ohogetka ahözawi, yeñönök mönö siti mianjöreñ öñgöme. Lama moröñan qet areñ papia mi galöm kölakza. Kunjan uruñi tölohozawi me anjörörak imbilonjonambuk aka muneñ keu jimakzawi, yañön mönö mianjöreñ öñgömangö osima. Mewö.

^s 21.18-21 Ais 54.11-12 ^t 21.23 Ais 60.19-20 ^u 21.24 Ais 60.3 ^v 21.25-26 Ais 60.11
^w 21.27 Ais 52.1; Eze 44.9

Malmal köhöikņangö o töwatņi ehal.

22 ¹*Miangö andöņe Suep garata mianjön malmal köhöikņangö o jenj kondel ningiiga Anutu aka Lama moröņi yetkö jakömbuak dumnöhök uzungöba kaba o töwatņi ahök. Mianjögö oņi mi kiring jöhanņi jöhanņi kölköl-bilikbilikņinambuk melenđa asarimakzei, mönö miangö dop tuat lalamņi ahök. ²°O töwatņi mianjön sitigö kōna namņi bohonņe eta bibiņi mötöteiba kutuba kayök. O töwatņangö göraņe likelike miangörej malmal köhöikņangö ipņi mi kinök. Ip miangö ölnan mönö (yara) yambu dop sömaņi 12, mi köiņ mohot mohotkö dop söhöba asuhumakze. Ip miangö sinņan mönö ambazip kantri dop ölöwakņegöra aka kinje.

³*Kunņan kun qahö toroqeba alaņi saiköba qesuahöma. Anutu aka Lama moröņi yetkö jakömbuak dumņiran mönö siti miangörej ahöiga Lama moröņangö nup meme ambazipurupņan welen qem waņgimakze. ⁴Welen qem waņgiba jemesoholņi eka Anutugö qetņi mesoholņine kōsöba mekötahögetka ahöma.

⁵*Miri qahö toroqeba söņauma. Kembu Anutunöņ mem asarim eņgimakzawaņgöra kiwa asakņangöra me wehön asakņangöra qahö osime. Mewö oyaenkyoaen mala nalö dop teteköņi qahö kinj kembu ewö galömkölköl nup memba mal öņgöme.

⁶Mi ekiga Suep garatanöņ nöņgöra kewö jiyök, “Buņa keu mötzani, mianjön mönö öł töhöņņi uruyahötņi qahö akza. Kembu Anutunöņ kezapqetok ambazip sölölohöm eņgimakzawi, yaņön mönö Suep garataņi ni melaim ningiiga asuhum gihiba malal. Yuai pakpak zilaņ asuhumeaņgö dop akzawi, mötnarip ambazipurupņan mi mötmegöra mi asuhuba kondel gihial.” Mewö.

Jisösnöņ kunbuk lilingöba kama.

⁷Jisösnöņ jiza, “Mötket, nöņön mönö zilaņ lilingöba kamam. Tosatņan buk kiangö kezapqetok keuņi buņa qeba qekötahömakzei, yaņön mönö simbawoņ akze.”

⁸Jon nöņön Buņa keu ki möta jeni meleņniga imutņi ehal. Mi möta ek teköba Suep garatanöņ imut ki kondel ningiyöhi, nöņön yangö waikņi memba möpöseimamgö möta gölmenöņ eta kōnaņe simin kölal. ⁹Simin kölalmö, nöņgöra kewö jiyök, “Aek! Mewö kude aknöņ. Nöņön gi aka kezapqetok alaurupki aka ambazip buk kiangö Buņa keuņi buņa qeba qekötahömakzei, mönö körek eņgö qöhöröņine kinda mohotņe Anutu welen qem waņgimakzin. Nia qahöpmö, mönö Anutu waikņi memba möpöseimakņan.”

* 22.1 Eze 47.1; Zek 14.8 ° 22.2 Jen 2.9; Eze 47.12 ° 22.3 Zek 14.11 ° 22.5 Ais 60.19; Dan 7.18

¹⁰Mewö jiba nöngöra kewö jiyök, “Nalö töriza. Miangöra buk kiangö kezapqetok keujan tölapne ahöbapuköra mi papianöñ ohomanmö, mi mönö muñgem supapnöñ (sil) kude qekötahöman. ¹¹^bBölöñi memakzawañön mönö toroqeba mewö memba böliqölima. Tölohoba maljawañön mönö toroqeba tölohoba añgöjörakñambuk aka malma. Ahakmeme diñdiñi ahakzawañön mönö toroqeba diñdiñanök aka memba malma. Sarakñi ahakzawañön mönö toroqeba sarakñi kötökñi aka malma.” Suep garatanöñ mewö jiyök.

¹²^cJisösnöñ jiza, “Mötket, nöñön mönö zilañ lilingöba kamam. Kamami, miangöreñ mönö töwañini memba kamam. Ahakmemerñi aka memba malgeri, mönö mi kewöta miangö dop töwañini mohot mohot al engimam.

¹³^d“Nöñön könakönahiñe mutukñi mala (yuai pakpak miwikñaiba könangep jibi qahöwahiga) teteköñe qöndökña mal öngöba malmam. Miangö dop nöñön A aka Z, kulem namñi mutukñi aka teteköñi akzal.

¹⁴^e“Nöñön ambazip malukuñini galöm kölakzei, yeñgöra kiripo nañgunji öröbiba ölop siti uruñe öngögetka qahö añgön köñ engibiga malmal köhöikñangö ip öñji neme. Miangöra opo malukuñini galöm köla sañgoñmakzei, ambazip mieñön mönö simbawoñ aka oyaenköyaen akze.

¹⁵“Yeñön oyaenköyaen akñemö, tosatñi yeñgöra nañgu köñ jöhöbiba yaigep malmei, mi ambazip kewöñi: Kiam ewö kaisero aka qarösoñgo amötqege ahakze. Serowilin aka ambazip enguget kömumakze. Tandö lopioñ waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepne (luhutñe) malme.

¹⁶^f“Jisös nöñön garatani melaibiga liliköba urumelenñ könagesö engöra kezapqetok keu ki nañgöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararañnambuk aka asarimakzal.” Jisösnöñ mewö jiyök.

¹⁷^gUña Töröñi aka ambi buña yetköñ kewö jimakzahot, “Jisös, gi mönö kanöñ.” Mewö jiyohotka mötmei, iñini mönö mewöñanök kewö jime, “Jisös, gi mönö kanöñ.”

Kunñan ogöra mötzawi, yañön mönö kama. Kunñan malmal köhöikñangö ogöra sihimñi mötzawi, yañön mönö kaba mi kalema möt añgön köñma. Mewö.

Galöm meme aka jöjöpañ keu teteköñi

¹⁸^hNöñön buk kiangö kezapqetok keuñi mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba

^b 22.11 Dan 12.10 ^c 22.12 Ais 40.10; 62.11; Sum 28.4; Jer 17.10 ^d 22.13 Ind 1.8, 17; 2.8; Ais 44.6; 48.12 ^e 22.14 Jen 2.9; 3.22 ^f 22.16 Ais 11.1, 10 ^g 22.17 Ais 55.1

^h 22.18-19 Dut 4.2; 12.32

jimawi, lömböt kanjamñinambuk asuhumapkö keuñi buk kiangörej ohoyali, Anutunöñ mi mönö yangö qakñe ali öñgöme. ¹⁹Kunñan buk kiangö kezapqetok keuñi miañgörejök keu kun qekömawi, Anutunöñ mönö i añgön köliga malmal köhöikñangö ip öññi qahö namba siti töröñe qahö öñgöma. Miañgö keuñi Anutunöñ jöhöiga buk kiangörej ohoyalmö, keu miañön mönö yangörej öññambuk qahö akña.

²⁰Buñña keu ki nañgöba jizawañön kewö jiza, “Keu mi öñña. Nöñön mönö zilañ liliñgöba kamam.”

Mewö jiiga nöñön kewö jizal, “Keu mi öñña. O Kambu Jisös, gi mönö kanöñ.”

²¹Kambu Jisösgö kalem möriamñan mönö körek embuk ahöma. Keu mi öñña.